





Inches







Centimetres

**TIFFEN** Color Control Patches

© The Tiffen Company, 2007







鶴徵錄卷第四

嘉興李集

從孫富孫

孫男遇孫

續輯

患病行催不到十三人


應為謙字嗣寅號潛齋浙江仁和人諸生著有六經解禮學彙編性理大中教養全書潛齋文集

遇孫按先生之生有文在其手曰八卦左重耳右重瞳少即

以斯道為己任借其同志為猶社取有所不為也有欲試其

所守藏妓館舍夜醉先生而歸之先生雜誦達旦卒不動喪

亂後絕志進取鴻詞之徵閣學李公天馥項公景襄交薦與



狀以辭范公承謨又欲薦之遂稱廢疾同里姜御史圖南嘗再致饋不受一日遇塗中方盛暑先生衣木棉衣歸投以越葛二端竟還之弟子甚多因以樓上樓下爲差如馬融例平生講洛閩之學踐履篤實杭人稱爲應先生

池北偶譚云先生性至孝母病數年侍疾晝夜不懈母憐之強爲娶婦終不入私室母卒逾祥禫始行合巹禮坐臥不下樓人罕梯接以經學教授里中生徒甚盛自撰無悶先生傳略云學不適時不好禪不喜陸王家言爲文章不詭合自怡悅而已密友多窮交經年不見與日見無異足迹不出百里而泰華溟渤皆於書冊見之生不及古人而義黃堯舜若瑛聲譽也著書千萬言人來觀者亦不吝云

松窗筆乘云錢唐應嗣寅潛心理學動必中禮其學以躬行實淺爲先謝棄制舉授徒自給家素貧外無應門妻女共主晨炊客至子供役環堵蕭然行誼高古四方賢士造廬請教者屢常滿戊午舉博學鴻儒辭不赴尋卒趙中丞特祀鄉賢刻其性理大中行於世

裕宗孟字淑子號子震江南山陽人崇禎丙子舉人授浙江知縣歷守杭州乞歸著有立命堂全集

遇孫按淑子天資穎異善屬文詞采壯麗守杭州日頗有政聲薦舉鴻博堅以疾辭又有楚江蠶史諸編

吳星叟云己未殿試淑子以病辭臥門扉入吏部執余手曰此非徒手求官者余將歸矣子爲世所指名其慎之

今世說云嵇淑子美鬚眉間一尺居官清介張翰存吏部  
嘗過署中見其四壁蕭然數椽不蔽風雨案牘筆墨與泥塗  
相揉雜卻鮮懸魚一塊交謫殆有中人之產所不能堪者又  
云淑子治杭州事無巨細皆委曲周詳夜以繼日不以爲勞  
郡有好古樂道之士必折柬招之不至雖在蓬華親造訪焉  
又云淑子爲李太虛明睿作閬園影賦纍纍數千言編珠貫玉  
地負海涵刻畫都盡李攜示趙洞門李叔則各舌橋不下  
黃宗羲字太沖號梨洲浙江餘姚人明御史忠端公尊素子少  
補仁和諸生著有易學象數論授書隨筆春秋日食歷孟子師  
說明史案歷書明夷待訪錄留書思舊錄明儒學案明文海南  
雷文按文定等書

先生少負異才慨然志當世之務受業劉念臺先生葢私淑  
文成者漢世所講授者在經學宋以後講授者維理學有明  
講學盛行而兼經濟才者維王學魏冰叔謂文成功蓋天壤  
一洗千古道學空疎之恥不刊之論也先生早年丁陽九奔  
走於蜂屯蟻陣中終窮約以老仍守師說以古文經學倡浙  
東海內推爲者宿其門人如萬充宗兄弟多通經之士云  
先生古文有南雷文案老友抱璞以貽余予讀竟甲出十餘  
首然其文終不脫明季衰颯氣性喜天文律算術數之學晚  
年名益高如閩若瓊輩亦執贄其門

富孫按明天啟時忠端公以抗疏劾魏忠賢死詔獄後忠賢  
伏誅先生年十九刺血繕疏袖長錐入京訟冤至國門而忠

端公邱典已下會刑部鞫逆黨許顯純等召先生對簿卽出  
錐錐顯純血流被體又毆崔應元胸拔其鬚歸而祭之忠端  
公神主前已又擊殺獄卒顏各葉仲文蓋顯純爲大理時銀  
鍊忠端公罪而絕命於工獄卒手先生冒死報仇時特以忠  
義孤兒宥之崇禎末逆按阮大鍼挾重賄將謀起用先生與  
諸名士爲留都防亂揭討之大鍼切齒福王立大鍼秉朝政  
修舊怨曲殺周鏞遂以去逮問值大兵南下事得解魯王  
監國先生隨諸軍於江上授兵部職方主事擢御史晉左副  
都御史江上師潰先生入四明山中監國在海上復與都御  
史方端士赴之健跳城破遂變姓名間行歸家村門匿影始  
畢力於著述早歲受業劉戡山先生得慎獨之學至是復舉

證人講會大江南北從者駢集戊午學士葉子吉薦舉先生  
寓書止之己未都御史徐立齋薦於朝復以老病辭乃取  
所著書宣付史館後

聖祖復以海內遺獻問徐尚書乾學尚書舉先生以對又言其  
衰老乃止先生上下今古穿穴羣言自天官地志九流百氏  
之教野乘稗說無不研究學者稱爲梨洲先生  
今世說云黃太沖家多藏書裝本厚二寸灑墨塗乙參互散  
亂人求不得太沖獨省記之年踰六十尚嗜學不止每寒夜  
身擁緇被以雙足置土爐上餘膏熒熒執一卷危坐暑月則  
以麻帷蔽體置小燈帷外翻書隔光常至丙夜所學上本五  
經旁羅百氏俱能採精獵微得其本末

李容字中孚自號二曲土室病夫陝西整屋人材官可從子布衣著有十三經二十一史糾繆二曲集

富孫按先生起田畯嘗一就科舉遂隱居讀書有古人風獨以理學倡導關中修明橫渠藍田之教當時與孫夏峯黃藜洲爲三大儒遠近皆重其學行稱二曲先生吾浙路鍾麟爲西安郡同知執弟子禮事之後駱遷常州太守請主道南書院以發願高諸公遺書來聽講者雲集

先生父信吾從監紀孫兆祿死賊難家貧甚母子相依或一日不再食或連日不舉火恬如也踵門求見力辭不得則一見之終不報謁再至并不復見有餽遺者雖十反亦不受母卒三年後徒步之襄城徧覓父遺蛻不得晝夜哭不絕知縣

張允中聞之爲立信吾祠且造塚於故戰場以慰其心乃取其塚土歸告於母墓更持服如初喪陝督鄂公善以隱逸薦辭牘入上自稱廢疾長臥不起戊午部臣以海內眞儒薦詞科之徵先生獨以昌明絕學之日必欲致之固稱疾篤昇其牀至行省遂絕粒水漿不入口者六日大吏猶欲強之先生拔刀自刺乃得予假治疾自後荆扉反鎖不復與人接已而聖祖西巡欲見之令陝督傳旨先生驚泣曰吾其死矣辭以廢疾不至特賜關中大儒四字寵之

魏禧字冰叔號叔子江西寧都人布衣著有叔子詩文集左傳經世等書

叔子少負大志丁明季之亂每與同志縱譚天下事軒軒有  
三才之風迄不得志兄弟三人與姊婿邱邦士隱金精山  
中銳意復古不可一世其文推為大家高者學檀弓國策下  
者亦不失為王介甫尤精左氏之學予嘗謂有博洽能文而  
不能詩者為魏叔子有博洽不能詩并不能文者為閻百詩  
然叔子刊三魏集未附詩一卷尚有可觀百詩著潛邱劄記  
後自刊其璇璣玉衡賦省耕詩以抒憤懣讀之正當罰以墨  
汁三升又與其子詠附入詩話一卷殊堪噴飯

富孫按叔子為明諸生甲申後棄去從父兆鳳結廬翠微峯

與彭躬菴士林確齋時李力負蛟邱邦士維彭中叔任曾青

藜燦及兄善伯祥弟和公禮同志九人為易堂學時青藜有

兄庭聞晚盛才名號二曾以籍寧夏不得預善伯亦時出佐  
大帥戎幕跡介出處之間堂中人以竹林山王待之八人皆  
巖處躬耕以自食束身砥行讀書論古名公卿聞其名願見  
之弗往獨與沈淪窮約者游其為文日益有名於天下江右  
自歐陽鄒魏講性學陳艾依復社王帖括聲力氣談學者景  
從易堂起而以古文實學為歸風氣一振由叔子為之領袖  
也生平淹通史學左氏傳尤其得力嘗自言不敢依附程朱  
謬為精微之論嚴公沈余公國柱李公宗孔等薦舉以疾辭  
郡縣督趣就道昇疾至南昌醫藥累月稱病篤罷歸後卒於  
真州妻某氏聞訃不食死

宋牧仲云叔子既謝諸生益肆力為古文辭授徒窮山喜讀

史尤好左氏傳及蘇洵其為文主識議綜練世務而凌厲雄  
健不屑屑規撫形肖如世之貌似大家者遇忠孝節烈事則  
益感慨激昂摹畫淋漓故其所為新樂侯劉文炳傳及姜埰  
江天一諸傳尤工

松窗筆乘云魏冰叔負重名每一篇出卽時傳布錢唐吳琛  
符儀獨面駭之如止友管嬖細事也而題曰省刑書刺刺于  
餘言不已失事之權衡論岳鄂王事謂宜鑄高宗像跪於墓  
乖君臣之義用字如以肱觸其背類非史家法座客以為狂  
冰叔慙然歎服

張九徵字公選號湘曉江南丹徒人順治乙酉解元丁亥進士  
授吏部主事官至河南提學道

富孫按先生兩為文選司郎中以按察司僉事視學河南正  
文體釐祀典為天下學政第一四子仕可字惕存相國文貞  
王書弟亦為河南提學道父子相距三十年亦一盛事生平研  
精三傳於明代人物能縷舉其世系正如宋楊仲猷言唐士  
族其諱行悉記之文貞總裁明吏夫抵稟承家學為多

阮吾山云己酉張湘曉視學河南乞歸戊午郝家宰惟訥薦  
之貽友人詩云少不如人何况老身將終隱又焉文又遣懷  
云虛名空好羊公鶴肥遞深慚伯鸞京維少年爭獻賦伏  
生接武賈生難人以是知公不出山矣子文貞公性澹泊從  
不肉食日麤糲一盂或山藥少許官庶子為明史總裁湘曉  
貽書誠之曰此非養生之道食不厭精汝未讀鄉黨耶退食

後宜靜坐片刻養生節勞勿以膏自焚矣古樂府殺君馬者  
路旁兒謂竭馬之力以娛道旁耳目吾慮汝之馬力竭矣文  
貞聞命竦然加一餐焉

張新標字鞠存江南山陽人明戶部主事世才孫順治己丑進  
士授吏部主事降補陝西苑馬寺監正

富孫按鞠存為涇原檢討之父山中書舍人擢吏部辛卯順  
天同考以文學吏才稱於時湯潛菴詩云父子登蒲輪史冊  
亦罕見與嵇淑子為兒女媿親父子翁婿並膺薦舉亦佳話  
也吳星叟謂鞠存 召入京時兩眼如墮雲霧入試僅書八  
大字而出則以為與試矣

毛西河鄉賢合記錄序云予游淮陰值儀部郎張公與其孫

農部主事同時舉鄉賢附廟祀相距二十年予被徵來京師  
農部之子吏部公偕嗣上舍同時膺聘徵車赴都投牒之次  
夫兒於選堂之牖間重以予游淮之舊握手道故予方念吏部  
公父子聘幣一時稱勝事而公復以其先人合祀一錄令諸  
同舉者各為詩歌而屬予為序乃歎張氏一門之盛為未易  
幾也予昔在淮曾與吏部公父子讌飲賦詩至今相傳有所  
為曲江之園雲起之閣者曾幾何時而吏部公安車來京將  
仍返故廬予亦老病庶幸徵放歸之例獨上舍君與諸同舉  
者以纂修前史入承明著作之庭焉

松窗筆乘云山陽張吏部新標為中書舍人時故相國陳公  
名夏得罪死無敢殮者公慨然曰溧陽死於法固未嘗禁殮

葬乃集同志贖金命老僕張臚製棺衾具殮老僕嘗曰我乃相公義兒公絕口不言也

今世說云毛大可過海陵至淮上時吏部張鞠存父子嗜詩有名園中秋夜會客數十人妓樂合作鼓吹竟夕毛倚醉扣盤賦明河篇凡六百餘言及且淮上諸家傳寫殆徧宣城施愚山還自京師見之目爲才子

顧豹文字季蔚號且菴浙江錢唐人順治乙未進士授河南真陽知縣官至監察御史著有武楚奏議六書古韻願圃日記世美堂集

富孫按且菴少以才稱讀書續言能記他生之所習兄仲御龍文亦有文名每試互冠其軍世謂顧氏二難令真陽招流亡

立鹽肆建學宮立黃叔度祠行取擢臺班切直敢言屢上疏言事巡視東城發姦摘伏應機而得三輔畏其神明尋出按湖北察川蜀諸賊竄伏要領所在嚴營堡備其巢賊不得滋蔓修築安陸蘆洲口隄以弭水患建議倉一百四十餘所會撤巡按還京師旋以省親告歸居兩年再入臺疏劾悉當遭內外艱遂引病不出得城北葛氏廢園乃芟蕪荒穢建小樓與二三老友商略經史名曰願圃家居幾三十年戊午大臣交薦以老病辭疾革自作誌銘而卒

今世說云願且菴官侍御彈劾不避權貴然卒無妄言嘗曰言而當足以裨國是言之不當雖

天子不以爲罪使異日輕諫官非計朝野以爲得人

王追騏字號雪洲湖北黃崗人順治己亥進士改庶吉士  
陞禮科給事中外補山東武德道僉事革職議復候補僉事著  
有雪洲詩鈔

遇孫按順治戊戌邱曙戒為會試同考官得二十有八人如  
吏部侍郎王封榮翰林侍講譚象給事中姚祖頊吏部員外  
郎崔爾仰皆為一時聞人先生則以戊戌中式己亥成進士  
也

魏維度雪洲詩序云雪洲詩款穎雋逸不屑屑步趨古人初  
讀之月下梅花香影不可卽離再讀之如帳中佳人情貌皆  
有實際熟讀之如聽成連鼓琴聲忘乎其為天空海闊時也  
然雪洲由詞林涉諫垣建節山左以伉直忤時而其詩寄託

遙深絕不露佻傥無聊之概宋荔裳觀察比諸三閭大夫謂  
其目成於美人含睇於山鬼纏綿悱惻超忽愴况有不自知  
其何心者可謂雪洲知己矣予急攜其詩向山巔水涯雲岑  
煙樹間一洗繚緲焉

范鄙鼎字彪山西洪洞人順治辛丑進士著有理學備考三  
晉詩選續垂棘集

富孫按先生以五經中丙戌鄉試副榜辛卯舉人戊戌會試  
副榜辛丑中式丁未成進士請終養歸太常寺卿朱公裴薦  
舉以母老辭巡撫疏叅

溫旨令遵前諭來京以副求賢至意旁招之典古所未有也  
先生性孝友學問淵博闡明絳州辛復元全之學與應潛齋

李二曲以理學著於南北癸未

聖祖西巡 召詣行宮 賜山林雲鶴四大字嘗進呈理學備考等書陳午亭相國賦詩云歸來屬車上猶指少微星蓋紀實也子翔亦以五經中辛卯鄉試副榜癸巳舉人

先生嘗有書致王阮亭略云丁丑三月恭奉手教確是講學之書卽如論文成一節名正言順馮恭定公有言除卻氣節事功文章將於何處見道學先生云陽明卽不名道學而氣節事功文章皆是第一流人物豈止以道學予文成哉爲萬世立公論爲昭代嚴祀典也近日時文選家竟指文成爲異端狎侮前哲訕謗學官先生謂其無羞惡之心某更謂其失爲下不倍之道也至於黃梨洲學案曾見原槩屬意處專在

文成亦屬偏見某取其收羅明儒之富兼取其自敘處不諱淺深各得醇疵互見之意故統錄之以備參考此霍渭崖之所以失入也先生公論竊欲添註於涓崖幅中以見後人眼目欺瞞不得誠有如東林諸賢會議者可否候裁敝鄉辛復元先生學本闇然某雖極力表章而人微言賤今不與荒煙蔓草同歸滅歿者實自康熙二十二年十月十二日大疏始矣跡此舉動因輒以小刻備考兩集僭瀆左右妄干元晏旣荷俞命敢不拜嘉河東分守吳公入境卽齒芬見及雖未謀面一時枯木春而冷灰然先生之德愛噫甚矣過矣長白山錄考核博而有要篋中著作如織儻惠然肯來引領望之讀此可見先生之學固非空譚性命者

毛西河理學備考序云彪西先生爲河東夙儒考道有年乃復以理學相傳恐有闕略或致是非同異相持不決因輯諸儒語錄爲備考一書無偏陂之見存乎其中無罅漏之形見乎其外理學雖繁欲舍此而更爲異同不得也

居易錄云范彪西寄所著理學備考廣備考乞敘先生養親不仕隱居師曠故里講洛閩之學河間人士多從授經薦舉不出人益仰重之所著書凡數十種

陸舜字元升號吳州江南泰州人康熙甲辰進士由刑部郎中歷浙江提學道著有雙虹堂集

遇孫按吳州初任刑曹多所平反爲兩大司寇倚重視學吾浙每試士命題必自制一藝爲諸生程式雖同場屬學分題

以及經論無不徧作諸生瞻絳帳中搖筆如飛其文皆精湛雅馴出入經史競傳誦之以疾乞休家居二十年詩文益富

顧景星字赤方號黃公湖北蘄州人貢生著有白茅堂集

遇孫按黃公與廣濟張長人

仁竟陵胡君信

承諾

吳旣閑

驥皆

前代逸民有名江漢間推爲海內耆舊後南都蒐錄人才黃

公試取第一

施愚山顧赤方詩序云余始聞顧赤方而未識其人一日自楚蘄抱其詩直詣門曰非公誰敘者余特異之與之見忙爽駘蕩其書累寸未易卒業簿書稍閒又時取讀之信乎其可  
以豪矣恢博雄悍上之原本李杜下之長吉樂天義山以及子瞻放翁翁見側出無所不有往往於時人近事一言一笑

刻畫如生嘗飲酣四顧振衣昂首自謂不讓古人客或詫以爲狂及其遣興授簡馳騁筆墨食頃累數百言頓挫激昂不假琢磨雖號稱工詩者見其便給又喑啞叱咤未嘗不驚其言若河漢也赤方機警性成今總憲龔公嘗識之總角中旣長益博覽強記諸子百家仙釋諸書無不流覽勤蒐以贈其才力故其詩如此有駭其太肆而未純者赤方則掉頭不顧曰君知言哉余姑爲楚歌放言洗滌以適吾志焉

今世說云赤方出其詩與施愚山相讐校嘗握手笑曰吾儕本相好攻瑕索垢當猛鷲如寇讎母畱纖塵爲後人口實時歎爲名言

蔡方炳字九霞號息關江南崑山人忠襄公懋德子生員

忠襄公爲白蓮池先生房首以遠大期之通籍後風節耿耿聲震朝右持節中丞豪強屏伏卒死於封疆先生能世其學著書不一家繪有著書圖詩文題詠盡一時名流他種不易得維廣輿記盛行於世予按古之爲地志者惟志其形勢緊望山谿阨塞何處可以屯糧何處可以守險爲天下大計不爲詞林嘯歌也自宋有方輿勝覽元有太平混一方輿勝覽乃採摭詞賦附於其中某山某水某亭某樹名句紛綸應接不暇有明季陸伯生先生者合而輯入廣輿記一時寶貴先生乃盡刪其詞賦而推廣事實焉說者嫌其枯寂遂轉思陸本云

遇孫按明末忠襄公死太原賊難藁葬城外順治戊子先生

借弟方爝往負樞歸太原之人無不涕泣以送者先生性嗜  
學涉獵羣書兼工篆草翰晦窮居嘗繪有著書圖竹翁題句  
云中年巾柴車起應鶴書召人多畱囂塵君乃返蓬藿立意  
在于秋宵貽北隴笑可見其徵聘不出至舊傳 召試日因  
不能奏對增廣坐扶出此好事者為之也兄方熨痛父殉闢  
賊之難絕意人事隱居以老雖屢空不肯于人卒之日至無  
以殮

鶴徵錄卷第四

馬人張湘校

鶴徵錄卷第五

嘉興李集敬堂輯

從孫富孫

續輯

孫男遇孫

與試未用三十人

趙進美字凝叔一字韞退號清止山東益都人明布政使叅議  
振業子崇禎庚辰進士洊歷給事中出為廣東叅政擢福建按  
察使著有清止閣集

按先生詩在陳氏國雅中先公會選二十餘首入文緯其詠  
畫竹云記得君山古廟前沙鷗如雪水如天數叢惟在蒼崖  
下風雨纔晴便有煙評云佳處不可言傳

富孫按先生成進士後與萊陽姜如須宋荔裳桐城方密之  
華亭陳臥子宋轅文輩以詩名雄視南北順治初補太常博  
士龔芝麓曹秋岳諸公時相酬和才名甚盛分守西江思以  
兵略自見鴻詞之舉爲奪公天覆所薦少時爲詩清真絕俗  
得王孟之趣後變爲高華尚聲調使楚一集尤爲藝林所貴  
重

漁洋詩話云趙韞退按察官湖西有詩百餘篇余取其南康  
登樓一絕句云返照臨高閣寒煙澹澹分城空何所有一半  
是匡君其梨花楓葉二詩風致不減青邱海叟

盧雅雨山左詩鈔云先生分守右江日嘗寓書漁洋論詩之  
得失漁洋詩云風塵憔悴趙黃門嶺表遷移役夢魂昨見端

州書一紙說詩真欲到河源

畢振姬字亮四號王孫又號頡雲山西高平人崇禎壬午解元  
順治丙戌進士授平陽府學教授官至湖廣布政使著有尚書  
註西河遺教四州文獻三川別誌等書

富孫按先生讀書五行兼下嘗師事山東王漢河南李政修  
由教授入爲國子監助教游歷郎中公餘坐臥黃埃黑籠瓦  
鐙布被俯伏讀書時稱爲有官僧尋分守濟南叅議道時歲  
旱盜王顯張其流民盤踞峒崖先生日夜馳三百里安插七  
千口有奇供軍需數十萬泰山香稅羨餘歲給公使費至是  
充餉七千遷廣東水利使三藩四院使如織立約束無派無  
折減船減夫六七千有奇歷浙江金衢道叅政擢廣西按察

使多所平反獲玉璽將軍印纍纍海峒宿患悉平經略洪承疇奇其才題陞湖廣布政使辭不應鴻詞之舉爲少司寇劉公健都御史魏公象樞所薦以老病辭歸當涖官往返祇一僕一馬食無兼味身無更代衣三娶無衣帛之妾所至率曉夜力學以爲常里居時置祭田義田役田戴笠畊疇暇輒指授後學有師法爲文主春秋內外傳而奧古堅鬱得之管子爲多

阮吾山云康熙間山東多詩人山西多名宦陳午亭相國嘗作六公贊敘略曰吾鄉多賢人君子其以清德著者若曲沃衛文靖周祚陽城故刑部尚書白允謙蔚州魏敏果象樞永寧于清端成龍陽城故巡撫張瑄高平故布政使畢振姬六公生同時在數百里之內皆所謂天下之士也而吾辱從之遊於是作六公贊云魏敏果擢總憲首疏申明憲綱舉侍郎以下有清望者九人畢振姬陸隴其亦與焉後皆擢用余謂頡雲先生之品望風烈當亦文正湯公之亞也

王岱字山長號九青湖南湘潭人崇禎己卯舉人授安鄉縣教諭著有可菴集

富孫按山長能詩文兼工書畫嶽崎歷落以氣節自矜髮甫燥卽名滿海內嘗著說雪武陵奪情之冤亦似有理然漳浦之論固萬古不易也

施愚山王山長詩敘云潭州王君山長博涉羣籍卓犖自負不隨俗俯仰放游山水所至與賢豪交歡用氣諒相然諾與

之言侃侃四座莫能難非所心服雖名公鉅卿不苟推許意有所取凡山人野老方技浮屠之流往往狎遊相傾倒至於一事之長一言之撰述聲名未立亟爲推引盡其力乃止則亦可以想見其爲人矣

松窗筆乘云湘潭王山長能詩文官京衛武學教授十餘年不遷泊如也善嚴司農策蹇往來蕭然寒素

孫榮字曙東號青門浙江嘉善人崇禎己卯舉人官直隸開州知州擢吏部郎中

遇孫按青門性穎異頗究天文河渠由孝廉授亳州牧時兵燹民逸勞來安集墾田萬餘建巨橋十一以當蕩蕩渠之衝轉開州積穀三千以備荒歉墾田七十頃飛蝗入境盡力

掩捕不爲災人比之中牟三異

上官鑑字金之山西翼城人崇禎己卯舉人順治丙戌進士官至河南叅議著有一經樓集

遇孫按先生以進士授潞安府教授河南聘同考拔取七人五人卽成進士後歷部曹督餉陝中散給不私秒忽出爲浙江嘉湖僉事遷叅議河南督理河道歲省錢數萬復兼理鹽法官民便之旋復以薦兼管開歸河三府分守道務解組歸法若真字漢儒號黃石山東膠州人順治丙戌進士官翰林歷陞江南布政使著有黃山詩畱

富孫按先生父孝廉某中年無子李夫人有身夢法眞而生因名若眞孝廉督課極嚴故其業淹博順治乙酉鄉試以五

經疏聞 特賜中式授中書舍人丙戌成進士授編修乙未  
特簡京官外用因補外道其藩宣江南一日在金陵方典  
武闈而奉家諱倉卒不得出屢勉終事桐城何中允采遣人  
送詩云門人祇讀孫吳傳何必教渠廢蓼莪後以事論罪弟  
若貞同科進士授給事中

安靜子黃山詩集序云膠西法黃石先生少以五經高第授  
翰林敍歷藩伯晚居東海之濱不仕者三十餘年予耳其名  
疑爲古人庚午冬日大雪予命酒獨酌有平頭冒寒走三百  
里寄我巨軸開卷則先生自畫李青蓮登華山落雁峯圖寄  
我石勢如波興雲捲四壁欲動予感其意作長歌寄之繼而  
又以巨幅大書司馬溫公禪偈見貽筆勢沈著飛翥蓋先生  
少以詩名書畫則其餘事耳

松窗筆乘云膠州法黃石高平畢亮四學問淵博所撰著皆  
艱深古奧不欲輕使人上口筆尤晦澀至不可讀蓋樊宗師  
一流人也

山左詩鈔云黃石入翰林再遷祕書院侍讀與淇南安承疇  
陳溧陽名夏兩相國不協外調浙江觀察轉補福建禦鄭寇  
有功遷浙臬平反王式誣告等案浙人詫爲神明轉安藩坐  
事去官以詩畫自娛

王紫綬字金章號蓼航河南祥符人順治丙戌進士官翰林出  
爲浙江糧儲道著有知咫堂詩集

遇孫按蓼航嘗分巡江西南贛道頗有政聲尤篤於師友之

諡

王阮亭云汴梁王金章嘗從老儒劉文奇學崇禎末劉家沒於水王爲置田園廬舍於蘇門山中後年七十餘病卒爲之營葬情禮甚備余見其哭師詩哀樂有過人者其警句云門無司馬求書使室有黔婁正被妻餘不具錄陶九成載楊李顧德玉葬其師新昌俞觀光事此近之矣

楊毓蘭字東始河南新鄉人順治丁亥進士官至提學道

遇孫按先生於康熙戊申曾任浙江巡鹽御史頗有惠績

張能鱗字玉甲又字西山直隸宛平人順治丁亥進士除浙江仁和知縣官至川南道副使著有儒家理要

富孫按先生儒家理要采輯宋五子遺書中有正學論朱陸

異同說並緒言主敬論皆其已說又有裁眉志略則任川南時所志也

王孫蔚字茂衍陝西臨潼人順治壬辰進士官四川叅政

遇孫按順治辛丑茂衍曾任福建布政使後降調湖北糧儲道叅議丁憂起復應鴻詞之徵阮亭有懷茂衍大叅詩

潘颺言字陳伏山東章邱人順治壬辰進士授吏部主事降調保舉湖廣軍前候用

張瑞徵字華平山東萊陽人順治壬辰進士選庶常歷宮允出爲河南汝南道副使革職歸

富孫按汝南水旱頻仍荆榛滿路先生下車卽修城垣捐資賑濟漸有生聚之謀其折獄明敏能辨冤晰枉光州賊襲商

城會勦擒戮先生之力居多

松窗筆乘云康熙初

上以翰林官教養有年

命內外互轉使歷民事覘其學問經

濟以資任用

親定吳正治張瑞徵戴王綸等十五人俱才

堪外任照例遇缺補用

張含輝字韞璘山東掖縣人順治壬辰進士官吏部郎中遷四

川督學道著有東山吟蜀草

富孫按韞璘工詩詞清綺多姿制有雲樓送客詩云行霜曉

露向雲樓漸望朝霞日影流野斷蛩音方寂寂煙迷客思正

悠悠送君暫借盃中物念我期消馬上愁滿座西風吹別意

誰知分袂在新秋

王廷璧字崑良河南祥符人順治壬辰進士授刑部主事官至

陝西副使著有珠樹堂聚遠樓等集

遇孫按崑良由禮部郎中督學嶺南報最擢越東少叅越地

沿海海濱木城之設里甲每借此居奇計戶派木而實無益

防守陳請得免寧郡帥議移鎮并欲以每甲雜駐一兵崑良

持不可遂撫小過熈之去左遷汀州司馬去之日越民肖像

以祀至汀州值總兵劉炎剋餉一軍大譁城門盡閉崑良單

騎入營反覆曉諭皆叩頭泣伏寧帥敗起擢陝西涼莊副使

致政歸

田雯字綸霞一字子綸號漪亭又號山蘊晚號蒙齋山東德州

人順治乙未進士官至戶部侍郎致仕歸著有長河集山蘊詩

選

先生負幹才善詩歌由進士出為副使徵詣闕下試不錄  
同人為之不平未幾督學中州不十年而位至大中丞

先生與趙君執信為德水才人往時在京師宿馮魯巖寓長  
夜蕭寂見其插架有田趙二家集先取趙集讀之未終卷欲  
臥矣再取田詩讀之風標颯颯鐵骨稜稜乃朗誦至五更魯  
巖入直問何人詩曰田山蘊也

富孫按山蘊任戶部員外時滇楚用兵軍需旁午時請以白  
糧附漕艘帶運費不煩而民力省至今著為定例後出撫江  
寧請動司庫大挑濬運河以省歲冬募挑之勞費又減湖田  
之增稅免蘆課之辦銅百姓德之由貴撫陞補少寇轉少農

出督河工以病歸壬午

聖祖幸德州曾賜寒綠堂扁額生平於史學最深文亦渾涵  
雄健自成一家言

惠視谿紅豆山莊集云田公薦舉鴻詞一時名士率皆懷刺  
跨馬詣司枋者之門乞其聲譽以進公獨屏居蕭寺中不見  
一大人長者來江南昇以肩輿從兩驢載衣裳一箱五經  
子史兩方底蒼頭奴兩人踽踽行道上戒有司勿置郵傳給  
供張自市蔬菜十把脫粟三斗不為酒醪佳設惟日矻矻以  
文章為事蓋公之居官如是

居易錄云田子綸撫貴州嘗著黔書七十六篇篇不一格其  
記苗蠻種類記水西烏蒙馬記革器記朱砂水銀雄黃凱里

鉛荷醬印竹諸篇有似爾雅者似考工記者似公穀檀弓者似越絕書者讀之如觀化人之戲

漁洋詩話云己未薦舉田綸霞以工部郎中與焉已而被落題溫飛卿集後云一代才名乾牒子八叉吟手亦徒然不教

詞賦陪雕輦空讀南華第二篇然不十年官至巡撫江南僉都御史

阮吾山云德州田山蘊讀書掇拾字句有徑旬之目嘗云奇字古人所常用於古詩為尤宜班馬等賦所以令人鬼服傾

耳者政由時出奇字觀貼之方今文尚古吾黨之士獨不訪子雲之亭熏班馬之香乎予友李柳亭云山蘊告歸臥病牀

第醫以方進惡藥俗名不飲易以他名乃喜如以枸杞為天精人參為地精木香為東華童子其癖好新奇老而愈怪柳

亭即山蘊女孫婿也案香祖筆記載此事云聞諸其弟需子益所說也

馮雲驤字訥生山西代州人方伯如京子順治乙未進士就大

同教授遷國子監博士官至四川提學僉事先生工詩兼善書法有與曾大父小箋寫高麗紙上筆法類坡翁

遇孫按先生藉華貫不習為紈袴態奮蹟詩書以早年決科第而勤修職業不斷獵進所至以廉明著尚書魏環谿嘗言

訥生見識高議論正稱為畏友在學博時與雲中徐化溥游梓其集行於世環谿尤亟稱之弟雲驥丙辰進士官至禮科

給事中

松窗筆乘云馮訥生督學四川所取皆一時才雋癸亥予典  
試赴蜀訥生籍三川名士三十人爲一冊驗其得失榜發中  
式二十五人副榜三人所未見者二人耳蜀中稱予得人實  
訥生拔其尤也

傅展字蘭生一字彤臣號麗農山東新城人順治乙未進士官  
至江西道監察御史著有奏疏讀書隨筆硯田漫筆姓譜補增  
訂堯山堂外紀新城軼事詩文等集

富孫按先生事親以孝聞初仕河間府推官爲畿輔第一行  
取入京奉使按江西舟抵彭澤聞九江兵且變遂疾馳湖口  
具威儀而入盛服坐堂皇將弁入謁畢諭以大義士卒皆震  
動感泣事遂解散其從容定變如此惜未竟厥志所著有一

十三種

王阮亭云傅彤臣修軀偉貌鬚眉如戟博學強記嘗過一友  
人家有女爲狐所祟聞傅至忽語曰傅公正人將來必貴吾  
去矣果不復來又云同年傅侍御博雅能詩作詞曲亦跌宕  
有致順治辛丑請急歸已未報罷嘗於滄州道上賦柳枝詞  
二十首多可誦身後著述散佚略載於此灞橋橋畔美人居  
性慧能爲倒薤書一觀靚容頻問訊十眉新樣近何如絕代  
容華照眼明幾年聲價重金城誰言青鬢垂垂老一到臨風  
百媚生零露蕭晨半未乾日高猶自怯輕寒連錢驄馬驕嘶  
過青眼樓頭帶笑看殘照芙蓉溢頰紅珊瑚仙骨玉瓏璵幾  
回眠起嬌無力披拂偏宜少女風垂金小篆不曾訛葉葉紛

披撇與波截柳編蒲無用處祇傳新樣似元和靈和前殿見  
風姿成辟耽情寫豔詞九月受風秋色裏冶游心醉麴塵絲  
拂隄又復映征颿折贈還宜女手慘薄暮一番微雨過江州  
司馬溼青衫其風致故自濯濯可愛

嵇永福字爾遐號漪園江南無錫人順治乙未進士授嚴州府  
推官左遷歷城縣丞著有漪園遺藁

富孫按漪園降補縣丞保舉湖廣軍前候用故王漁洋有遙  
送嵇爾遐從軍荆州兼寄秦雷仙李妃瞻詩云帕首鞞刀氣  
不羣秀才今復學從軍也知好句輸中散惟有相思寄楚雲  
秦子清眞五字詩李生磊落萬人姿他年幕府論功日七寶  
莊嚴合是誰註謂爾遐嘗赴制府范公承勳幕耿逆叛范不  
屈死爾遐拘囚三年作百苦吟廉訪秦小峴先生謂漪園曾  
孫承烈今爲平陽邑丞言有家傳並未入范公幕蓋以雷山  
先生事誤也

章貞字含可浙江會稽人順治乙未進士授壽光知縣以科場  
註誤降榮陽丞陞棗陽令著有東銘解等書

遇孫按含可兩世孤露曾祖八十翁督課之工詩古文辭令  
壽光棗陽均有善政薦舉行抵江寧以病歸

毛西河云予少時與章君含可同以小試受知於王雪于師  
予以鼎革之際爲怨家所構會順治辛卯章君登賢書遂  
於填親供時爲予訟冤於部使軍門一時聞者爭頌之

程必昇字東旭陝西韓城人順治乙未進士原任山東棲霞知

縣

李念慈字屺瞻號劬菴陝西涇陽人順治戊戌進士授湖廣竟陵知縣著有過嶺吟谷口山房集

關中諸李惟先生暨天生先生與曾大父交至契如親兄弟先集中東家明府屺瞻詩有宦情閒五柳詩格勁三秦之句富孫按先生善繪事詩詞並擅時名與天生二曲當時稱關中三李成進士授河間推官又補廉州以裁缺罷後改授新城知縣多惠政卒以註誤去官會討滇逆以才能薦往湖廣從軍補竟陵知縣薦舉試京師咸譁傳已前列不知所從來迨報罷無不搯腕太息者

王阮亭谷口山房詩序云秦人詩自李空同文太清莫不伉厲用壯有車鄰駟騶之遺聲屺瞻獨不然行安節和一倡三歎殆有蒹葭白露美人一方旨意未可謂之秦聲也

施愚山李屺瞻詩序云屺瞻秦人也余見之孫豹人坐上其雄爽之氣勃勃眉宇自秦之晉南游江淮所遇山川風物寄興屬懷情隨境移蔚焉蒸變觀其羈旅無聊不平之作蓋秦聲而兼乎吳楚者耶嘗爲余言母夫人見背時生甫十許日失恃之痛銜恨終天往往見之於詩使人不可讀分甘餘話云李屺瞻汴梁竹枝詞云紅油車子賣蒸羊啟蓋風吹一道香余見之笑曰信陵賓客東京夢華古今應有多少感慨而顧柔願於紅油車子之蒸羊此正呂頤浩所云措大知甚好惡者耶

侯七乘字仲輅山西汾西人順治戊戌進士授福建閩縣知縣  
歷江西廣信府同知

富孫按仲輅知閩及武平二縣廉靜慈祥能寬徭恤民又喜  
講學課士頗有政績以憂去後擢廣信郡丞

毛際可字會侯號鶴舫浙江遂安人順治戊戌進士授彰德府  
推官歷知城固祥符二縣著有安敘堂詩文鈔浣雪詞鈔黔游  
日記

遇孫按鶴舫爲推官時廉明不阿有連奇才者殺人巧脫感  
折庭槐之異讞實抵罪寧陵盜犯房有才等十三人已奏當  
大辟力白其冤釋之由祥符令薦舉放歸閉戶著書文名馳  
四遠嘗與人書云自惟生平既肆志於古文精力短淺不能

兼綜並致故絕筆不爲詩者十餘年其專如此晚構問字亭  
以汲引後進焉

毛西河會侯詩序云予往與會侯被 召京師唱和邸里嘗  
謂君詩高警而劃滌上之無故朝邪廓之習下之與時俗卑  
弁卻之恐浼非嬗世何爲及予歸田後老不能詩會侯亦汎  
汎置之其舊作於於火乃取向時被選者併作一卷好其詩  
者將必由此而倍思其全詩也

今世說云鶴舫負才雋異淹雅博聞胸次瀟灑虛懷善下文  
極工妙有刻意彈射者輒欲下拜至與朋友往還必以無所  
規益相督宦轍所至著聲績爲羣吏冠宰城固多異政邑人  
梁樟爲折尾虎所攫毛爲文禱於神果獲之人謂不減昌黎

驅鱷又云李坦園目會侯文精鍊有法度不爲枝葉之詞  
徐之凱字子強號若谷浙江西安人順治戊戌進士授四川臨  
安縣推官歷湖南桂陽陝西西安化真寧茂州知縣著有初學北  
思汶山流憩等集

富孫按先生成進士司李滇之臨安撫軍袁懋功深相器重  
未幾裁缺調補瀘陽令再補陝西西安化請免浮糧有賊結寨  
於山屢勦不服遂以一騎赴寨招安之制府以軍功許補知  
府旋值逆藩吳三桂舊黨王輔臣構亂平慶相繼陷沒以蠟  
丸達書督撫擒斬僞帥慶郡得完旣而賊兵大至城復陷被  
執劫以白刃不爲屈幽禁囹圄逆黨吳占春力救得免事平  
將軍圖公檄補真寧令薦舉後量移茂州部臣以前失印事

被議落職退居林下者二十年

先生嘗有木蘭花慢一闋贈先徵士公云乍飛到青鳧枝雀  
報喜蹉蹉數酒債尋常菜傭瑣屑室罄重懸笑東方非獻賦  
與侏儒漫索米論錢更攫歸遺賜脰細君一笑嫣然羊裘  
敝盡已成瓊猶作黑貂憐歎寒氣嶙峋小臣饕餮日傍鑪邊  
春來

聖恩還渥助看花應令水衡添過此青蚨影斷直須榆莢垂簷  
徐孺芳字蘭皋浙江仁和人順治己亥進士授山西平遙知縣  
官至福建提學

葉封字井叔號慕廬湖北黃岡人浙江嘉興籍順治己亥進士  
除延平府推官陞工部主事著有嵩山志嵩山石刻記嵩遊草

遇孫按慕廬本禾人徙居武昌康熙中由推官改知登封縣  
遷兵馬司指揮薦舉罷歸自號退翁銓授虞衡司主事未上  
而卒所著嵩游草識者以爲可與施愚山中岳少室諸詩相  
伯仲朱竹垞贈詩亦極稱之

朱竹垞葉指揮詩敘云井叔之詩清而婉麗而不靡戕削而  
無刻劃之迹於友朋山水之好流連唱歎而不已君前知登  
封縣事入爲西城兵馬司指揮與尚書郎以下善詩者九人  
合刻其集以行君雖家於楚實余里人也

王阮亭云黃州葉井叔篤實君子也以詩介其宗人訥菴質  
余余曰君之詩未也惟嵩山詩足傳耳盡刪其舊作爲敘嵩  
陽集刻之又選其已未庚申詩刻之列於十子中井叔之名

益曠後薦舉不見收自楚屢寄新詩求余刪定其郢中懷古  
二十首殆無一字不佳井叔精爾雅說文學有根柢所輯嵩  
山志嵩山石刻集記皆可傳又云井叔未第時酷貧嗜讀書  
家樊口湖中王宗伯吳廬常扇舟過之值湖漲不辨涯涘  
日已暮聞有書聲出蘆荻中先悲哀而後愉樂曰此必井叔  
也迹之果然

王鉞字仲威號任菴山東諸城人順治己亥進士授廣東西寧  
知縣著有水西紀畧粵游日記讀書叢殘暑窗臆說世德堂集  
富孫按先生知西寧八年訟庭闕寂甲寅孫延齡反陷梧州  
西寧距梧八十里梧鎮帥班際盛欲移師避寇先生與際盛  
書極言不可相距二十餘日賊果退梧州初陷先生繕治城


守具賊引軍寇西寧先使謀持偽劄至知有備乃遜去於是  
以治最膺薦行取尚可喜忽具疏請畱行取官先生度可喜  
子之信必反遂移疾歸戊午薦舉後遂不出家居三十餘年  
香祖筆記云王仲威暑窗臆說山繭一條甚詳曰藥谿譚記  
禹貢萊夷作牧厥篚檠絲爾雅曰檠山桑師古曰山桑之絲  
其鞞中琴瑟之絃蘇氏曰唯東萊有此絲以之爲縉堅韌異  
常萊人謂之山繭紬爾雅又曰蠟桑繭惟由樛繭今萊陽之  
山繭紬蓋樛繭也按山繭卽禹貢之檠絲今之山紬樛繭又  
別一種乃今之椿紬也樛不才木土人嫌其名故借名椿取  
莊子大椿之義然則爾雅所云蠟桑繭卽今山桑檠絲是也  
惟由樛繭今樛紬借名椿繭是也

林堯英字蜚伯號澹亭福建莆田人順治辛丑進士選授江西  
饒陽知縣官至河南學政著有澹亭詩略

富孫按澹亭性好學工詩歌燕臺十才子詩略澹亭居其一  
薦舉時已歷戶部主事後 賜宴瀛臺晉本部員外郎轉刑  
部郎中出視中州學政以古學導士人文丕振  
趙廷錫字玉譜陝西膚施人順治辛丑進士授浙江天台知縣  
遇孫按先生爲天台令有循聲後移調順天良鄉捐貲爲內  
閣中書舍人

陳宏字乾菴直隸大興人順治辛丑進士候補主事

門人張湘校



鶴徵錄卷第六

嘉興李集敬堂輯

從孫富孫

孫男遇孫

續輯

與試未用三十七人

劉瑞遠字



直隸三河人順治乙酉舉人官海州知州

魏學渠字子存號青城浙江嘉善人順治戊子舉人授成都推官擢至江西湖西道

青城負詩才工四六兼擅書法知名於時王阮亭彭羨門各賦無題詩合而刊之號彭王倡和青城為之敘又西樵實菴亦相屬和西樵云情至之語風雅掃地不過於宣尼廡下俎

豆無分耳以西樵之孝行告母文三篇幾於泣鬼神矣而言情之作如此實所未解

富孫按青城少負雋才爲柳州八子之一推官成都值蜀中初定招撫流亡綏輯兵民事事得宜陞刑部主事改嚴例十餘條歷湖廣學道補江西少叅與王阮亭田紫來諸公相倡和生平輕財好施桐城錢澄之知交尤深感德不諉至名其樓曰懷青

顧鼎銓榜姓張字逢伯浙江仁和人順治甲午順天舉人授山西蒲城知縣

遇孫按先生令蒲城值兵燹後百計招徠民皆復業歲旱鑿石爲渠以資灌溉又廉得巨猾置之法民咸喜曰較疏山引

水之利更什伯也時以循吏稱予祖榮官內閣學士

田茂遇字楫公號鬻淵江南青浦人順治丁酉舉人授山東新城知縣不赴著有水西草堂集

按丁酉科場事發九重震怒命嚴鞠之覆試之日堂上命題二書一賦一詩監試官羅列偵視堂下武士銀鑰森布未刻繳卷諸生文皆如格撫臣以覆卷奏進事乃解復原名先生其一也惟有據者充發數人世皆以吳漢槎爲可惜云富孫按先生少受業於夏彝仲先生以詩文雄壇坫會試入京與王敬哉魏環谿諸前輩相酬和以魏柏鄉裔介薦舉召試罷歸築水西草堂藏書萬卷觴詠以老又選有高言集清平詞燕臺文鈔等書

今世說云田髯淵少時名善屬文陳黃門謂夏考功曰此子才氣卓犖他日必成偉器後黃門歿于幼貧墓旁荒田數十畝髯淵代內官租二十年復與友人梓其遺集謂客曰無以償黃門大德生平每以爲愧又云髯淵才辨器識絕出流輩讀書穿穴經傳落筆爲詩歌古文衮衮不能自休與人交好傾身爲之盡窮達盛衰誓不得而移妻孥終歲布衣糲食客至治具甚盛畱數月不厭後進以詩文就正有小好必極口稱許世謂髯淵家貧而能好客才富而能好善

宋實穎字旣庭號湘尹江南長洲人順治庚子舉人試罷官興化縣教諭著有讀書堂老易軒玉磬山房等集

先生爲吳下名孝廉與吳江計孝廉稱石交遂以女字其子計子年十五補諸生及期而殤甫草先生構思子亭無何宋女以不食死甫草又合葬之並屬其友汪鈍翁爲之記鈍翁曰合葬禮之變也思子亭則孺子雖賢殤也禮之過也王敬哉曰甫草之情深若文之論正父子朋友之間兩無憾矣富孫按先生淹貫經史博綜宏搜當時推爲名宿侍講繆歌起少嘗執經其學得於先生者爲多

先生嘗作黜朱梁紀年圖論其義嚴正云王莽不得爲新安祿山不得爲燕全忠豈獨得爲梁乎且其時移檄興復唐室者有晉岐蜀淮南四國或爲唐之臣子或爲唐之世族則唐實未嘗亡也今黜朱梁紀年而以晉岐淮南之稱天祐者爲主始於天祐四年至後唐莊宗同光元年而止亦春秋書公

在乾侯之義也從叔厚齋嘗欲撰後唐書亦黜朱梁而以後唐爲正統自昭宣帝天祐元年始至南唐烈祖興元元年止以正歐陽公五代史之謬惜年未及三十而卒其書僅存敘例一卷未獲卒橐

魏冰叔云宋實穎孝廉母夫人葉氏當乙酉歲兵亂與季子實方女雪娥實穎婦朱氏同赴井仲子實栗見母投亦從井既經日母及實栗死而實方雪娥與朱氏皆直立水中竟不死此與汪季用先生母夫人李事相類

尤悔菴云既庭自羈州早飲香名一時有江東獨秀之目

說鈴云既庭與宗弟疇三俱以孝廉知名時稱大宋小宋或問大宋何如人予言阮思曠都不及真長逸少而能撮有諸人之勝

今世說云宋既庭醇靜寡欲動止皆有常則才名早著三十舉孝廉以公車至京師輒攝衣據諸貴人上坐意氣岸然絕無所顧讓自名公卿訖四方游士慕之者無不日夜持謁到門以望見顏色爲幸

董俞字蒼水號樗亭別號尊鄉鈞客江南金山衛人少宰遂初孫順治庚子舉人著有樗亭浮湘度嶺等橐

富孫按樗亭詩文當時與錢葆稱齊名江左稱才子羣推錢董赴 召至山東遇盜劫其裝生平著作在行篋中追索之被刃傷而返兄含字閔石辛丑進士亦有文名

宋荔裳蒼水詩敘云董君蒼水本貴公子孫年三十舉孝廉

於其鄉居無何江南逋賦之獄起紳士同日除名者萬餘人君不幸掛名其間棄去帖括究極於風雅正變之間爰及漢魏下訖三唐朝藝暮鹽蕭然如後門寒峻而其詩亦閎深涵演非復專家小乘之所敢望

汪鈍翁云雲間董二孝廉最善賦學如鏡賦鷺賦採桑賦皆清婉流麗可與吳兵曹綺頡頏又有送客入都詩云蕭條易水逝驅馬向空臺岸柳春前放江鴻雪後來語極澹雅有自然之致

徐虹亭云蒼水與閩石讀書崑山詞藻翩然竝擅機雲之目今世說云蒼水童時喜讀古人詩略上口即能為聲偶之言父師見而叱之乃吟詠自如不少奪庚子舉孝廉與兄進士

閩石竝以才名顯後坐公事摧挫不得用於世卜築南邨方塘小榭竹翠花深灌園鋤菜歌嘯自得雖突煙常冷意豁如也又云蒼水渡洞庭至鹿角山風浪大作波翻浪湧上流覆舟蔽湖而下僮僕震懼無人色董坦然危坐賦二詩投湖中竟得無恙數時輒行三百餘里見者疑有神助則其度量之靜鎮可知矣

惠定宇云蒼水丁巳年入都與漁洋山人倡和頗有知己之感其北游草云余所寓蕭寺與阮亭先生寓齋相望晨夕過從四方風雅名流至輒邀余晤對誠快事也其次韻答阮亭贈詩云廿載行吟老翠微疎狂久與世情違騰驤冀北千神駿潦倒江南一布衣燕市筑聲愁裏和機山月色夢中歸僧

登從錄卷六  
寮竊喜幽齋近繾綣交情似爾稀丰致極和婉可誦

江閩榜姓越字辰六貴州貴陽籍江南歙縣人康熙癸卯順天舉人授湖廣益陽知縣歷解州知州著有河汾集

遇孫按辰六薦舉後選授縣令歷知解州爲政簡靜不擾先是民多宿逋檄一歲竝徵辰六詳請分年帶徵民德之詩格亦頗清雄

王阮亭覽古詩序云門人江子辰六早歲絕江淮泛洞庭南窮夜郎盤瓠發爲歌詩浩浩有奇氣繪有借書圖當時諸名公多賦詩題詠

松窗筆乘云江青園以子閻迎養至益陽值 覃恩戒勿製冠服曰吾以

君恩重不以章服重也邑中寮屬紳士醵袍帶爲壽固辭不得

乃移所餽創祠龜臺山祀邑之先哲十九人邑人傳爲佳話

徐懋昭字仲協浙江鄞縣人康熙甲辰進士授河南沛縣知縣薦舉後陞河南南河同知

富孫按仲協素工詞翰同里黃御史斐薦舉鴻詞 廷試日以疾不能終卷放還陞任郡丞

李開泰字子如直隸大興人康熙丙午解元

富孫按子如少孤事嫡母以孝聞爲諸生時受知于熊鍾陵蕭惟豫丙午領解困於公車薦舉後與修邑乘踰月以疾卒平生嗜讀書講程朱之學家貧課徒以繼朝夕絕不干瀆當事茹素三十年尤爲高行云

李芳廣字夢野河南柘城人康熙甲辰進士原任山東壽光知縣候補內閣中書舍人

陳玉璠字廣明號椒峯江南武進人康熙丁未進士授內閣中書舍人著有學文堂集

椒峯受知臨朐相國最深頌不絕時閱卷爲三相國一學士馮亦在列而不遇亦命也

遇孫按椒峯舉進士官中書舍人鴻詞之徵三相國交薦之後以戊午北闈事黜革家居拂鬱益發憤著書撰史論數百卷

今世說云陳椒峯少有大志凡天文地志兵刑禮樂河渠賦役諸大事莫不講求爛熟言之娓娓賓客輻湊應酬旁午以

至彈琴投壺嬉戲之樂靡所不爲偶有所觸發爲詩文旬日之間動至盈尺見者遜其俊才比於劉穆之云又云椒峯讀書至夜分兩眸欲闔如綫輒用艾灼臂久之成痂每一顧益自奮不敢怠其猛厲如此

任辰且榜姓韓字千之號待菴浙江蕭山人康熙丁未進士授江南上海知縣官至大理寺丞著有介和堂集

富孫按上海租賦盈四十萬漕復半之地產木棉不給漕粟待菴以意調劑不緩不急民困獲甦黃龍浦牐屢圯久不成命匠範石於陸第其甲乙牓柱之募善泐者暗埋石而累塚其中且壘石作埂使水無橫溢而又善下至今以爲利賴薦舉後擢工部給事中改授大理寺丞

毛西河集課記云予與任君待菴讀書城東草堂期爲管樂  
不期爲董鼂既遭 鼎革予避物去待菴以第四人舉於鄉  
丁未成進士與禮部 廷問第一人俱出頻陽門下各虛館  
職以待而待菴拂衣歸就予舍者八年例初改官者始縣令  
於是筮令上海操割其地若有餘刃予嘗過海濱觀其治歎  
曰此可謂非古之廉辦者與世稱君節儉有幹用予見君衣  
木棉疏屨廢馬無棧豆日買水二百錢親勿飲宴輒假標榼  
於薦紳之知者屋腐不葺天雨則持蓋行屋下薦紳之賢者  
請其教卻其所餽餉縣民有斃於追逮者君憐之不令蒯隸  
得執帖到鄉削木爲牘遇有應逮書其姓名使都亭保給寄  
召之如期而至於足是爭相輸納不事鞭扑

王師南征造鳥船渡湖檄諸縣督造迫促君入鄉度木予婦求  
觀縣令者遮道出且有餉茶及鮮棗熟芳者旣得木給值民  
各辭金揖讓林木間不得已命不取值者則散還其木於是  
領去後度商人木給商值亦有辭至再者予親見之

案記中所載

鞠數事尤明決如神

毛西河介和堂集序云少與待菴誦賈長沙疏三過能記及  
旬日而予忘之而待菴不忘人嘗以此定優劣置予爲詩歌  
待菴著權書十篇示有用符戲爲璿璣詩曰吾但爲一詩而  
千百詩具是焉自升賢以消通籍間暇日多然究不爲詩卽  
爲詩窮極工麗擅庾鮑之勝猶棄去不存及試仕海上偶一  
爲之所稱介和堂者則官舍名也其吏治優游鎮靜得字人

之大能不負所學矣又云戊午之秋待菴與予同在舉中會  
收復西川不即較六論留公車門待菴日為詩與長安舊游  
酬酢往來今集中所為 帝京湯泉諸詩皆是既已大具詞  
業呈門下兩省就試 殿前而其後以取數限也

今世說云安西估魏內買卉布上海市中夜就旅宿醉臥風  
雨大作失橐金三百兩時上海令為任待菴素善讖至是獄  
不能定因詣城隍廟禱於神請以實告乃留捕隨往者使待  
命於神寢宮捕夢寢宮有幼婢出右手抱細女左手挈衣與  
之及接視則裙襖也歸以告令令俯首再三仰而曰夫賜衣  
而得裙襖則非衣也非衣者裴也豈有裴姓其人者耶捕叩  
頭曰似也閭左有裴愛無厲不事家人產其人僦旅舍傍而

得出入於其舍即欲得裴姓此當是令曰然則其抱細女者  
抑可知矣夫細女愛女耳吾聞納音之數陽姓從左今左非  
衣而右愛女其為裴愛無可疑者遂收裴拷之得實

儲方慶字廣期一字 號遜菴江南宜興人康熙丁未進士

授山西清源知縣著有遜菴文集

富孫按遜菴令清源時值軍興糗糧芻藁之費俱貸以辦不  
徵民間一錢邑中諸逋賦暨貧不能娶者多捐俸飲之又山  
水數漲為城害歲修白石堰禦之復以餽運不給因停修堰  
徒步禱白龍神廟明年春山水改道而南去城十里喜曰吾  
可保清邑數十年無患矣乃移建白龍廟以鎮之諸上官爭  
為引重問入幕賓姓名而事皆手裁幕中故虛無人也

吳星叟云戊午同徵 殿試廣期名在第一甲第五無何遭  
易去又為眾所指名廣期作快驢行以譏當時長安貴人嫉  
之蓋其帶性負氣如此

王祚興字遇予山西永寧人康熙丁未進士戶部郎中官湖廣  
提學僉事

富孫按先生嘗為三水令興利除弊惠愛在民當時以循吏  
稱及為提學孤寒名峻無不識拔頗有知人之譽

居易錄云族姪神興嘗知三水縣云文太青光祿家婢皆能  
詩曾得其倡和一卷許貽予又貽太青書扇一字畫甚奇怪

詩是攜內登文昌閣有句云酒盃好喚中黃老侍女都看夢  
緣華

高向台字泰階山西翼城人康熙丁未進士內閣辦事中書舍  
人後任江寧知府

遇孫按先生學問淹洽賅博薦至都下名噪一時寶坻相國  
極推重之

趙驪洲字積生一字溥之浙江仁和县籍上虞人康熙己酉舉人  
試罷任東陽縣教諭

遇孫按先生有送弟千里南還後答友人詩書寄先徵士公  
云天涯樹色暗征鑣歸帆飛塵迥興饒燈火夜浮燕市月酒

泉人湧浙江潮黃金未必酬雙闕白雪先煩寄六橋知有雲  
山高際闕一鴻南去慰無聊

馬駿字圖求江南山陽人康熙己酉舉人

白夢鼎字仲調號孟新又號蝶菴江南江寧人康熙庚戌進士官大理寺評事著有天山堂稟

富孫按蝶菴少與兄夢鼎勤學尚志節時有二白之目當明末俱以公論忤貴人陷於獄母陳氏怡然曰子爲范滂吾獨不爲滂毋乎會國變得釋鴻詞之徵爲總憲魏公象樞所薦庚申副主福建鄉試

池北偶譚云金陵白評事爲湯陰王東臯

勉吏部門生康熙

丁巳吏部卒於家訃聞京師仲調爲位而哭又於慈仁寺中受弔凡弔者拜之如子弟執父兄之喪蓋本檀弓孔子之於伯高古禮也一時稱之

許孫荃字蓀友一字生洲江南合肥人康熙庚戌進士官至翰

林院侍講陝西學使著有慎墨堂詩集

遇孫按生洲負穎嗜學肆力於文辭詩激昂悲壯多燕秦之聲如潼關等作非循行數墨家所能辦由庶吉士改戶部郎中出督陝西學政勤於課士行部所至遇古聖賢名蹟力爲修復表章敬事李二曲爲刻其所著書

姜湛園思硯齋記云僉憲許生洲先生示余以施侍講思硯齋記先是僉憲大父中丞公爲紹興守得硯於臥龍山麓刻天然硯三字畫其背爲東坡小像中丞寶之終身兵亂失去子封奉直公追念出涕因營齋而居之以思硯爲名僉憲官京師徧謁於所知求詩文以述其尊先生追慕之至而冀少慰其思侍講謂奉直公能不墮其孝僉憲能曲成其志信也

僉憲公新奉 命督學關中裝行有日緣奉直公志將躬行  
表帥講學明道以興起其一方之士子意甚盛也

鄧孝威詩觀云四山督學秦中數載不得其音問戊辰從郵  
筒兩得其葉嶽集時選事已竣採其高篇復爲附入校土方  
冗乃能吟詠如許之多且高華沈鬱俯單詞壇其胸次何如  
也

許自俊字子位江南嘉定人康熙庚戌進士試罷授山西聞喜  
知縣著有左氏提綱歷游山水記三通要錄司計全書了公宗  
旨潛壺韞齋等集

富孫按韞齋知聞喜時攜一子一僕食脫粟飯佐以青菜往  
來郡省策蹇而行贊上官詩扇外無他物用法甚平民多勸

喻雅工詩文名勝處題詠殆徧尋以乞休歸行李蕭然當時  
稱爲清白吏

張英字仲張浙江海鹽籍海寧人康熙癸丑進士候選中書官  
至廣東提學道著有一經堂集

遇孫按仲張幼有聖童之目博綜典籍著述俱有根柢癸丑  
成進士出桐城張文端之門師生同一姓名當時以爲奇及  
戊午分校北闈文端子廷瓚復出仲張門雖以因緣謫理藩  
院知事而淵源鍼芥之合至今傳爲佳話薦舉後遷中書科  
歷禮戶二曹以僉事提學廣東將之官以母憂歸旋卒於贛  
州旅舍

程大呂字

湖北孝感人康熙癸丑進士

遇孫按先生有題吳孟舉黃葉邨莊詩極工見篋中集

高層雲字二鮑號謬苑別號孤邨江南華亭人明檢討承祚孫  
康熙丙辰進士授大理寺評事官至太常寺少卿著有改蟲齋  
集

先生工詩工畫工書法京師稱為太常三絕

富孫按先生嘗為吏科給事中章奏屢上皆秉禮執法多所  
彈正工詩文善書畫得者多寶藏之有長亭怨詞送先徵士  
公之濠州云見寒柳一枝斜偃試折空條怯憐秋晚樹隱青  
帘短亭人去夕陽遠郭家荒宅應猶剩殘書幾卷舊日濠梁  
魚縱樂和誰同看題怨野橋分袂後慵到向時吟館重緜小  
譜怎忘得竹根擎棧甚涼雲也滯愁飛悵雁影半行催斷便

夢繞淮南拚把蜨坊尋徧尾末自註云濠州郭近澤傳寫書  
籍至萬卷號為書藏錢易詩云郭家書藏舊焚香數盡書來  
宅已荒夢蜨坊中人不見昔年門館共淒涼此照玉田集兩  
闕填其第五句遠遊歸後共誰語詞綜後作時想刻本訛也  
字法極似香光洵為能品復作秋亭送遠圖於扇頭云余與  
秋錦先生別既譜小詞贈行離情黯黯復作此圖便而旅中  
展玩恍似郊原攜手時蓋我兩人相得甚歡雖關河之遠猶  
欲寄之翰墨以志不忘如此也畫亦淡雅絕倫

阮吾山云康熙二十六年正月二十六日諸王大臣議禮承  
康左門諸王以次環坐內閣九卿科道議畢閣臣白其議向  
諸王長跪移時武定李公之芳年老踣地吏科給事高層雲

抗章彈奏 天潢貴冑大臣禮當致敬獨集議國政無不列  
坐况永康左門乃 禁門非大臣致敬諸王之地大學士輔  
弼大臣當自重諸王宐加以禮接疏入交宗人府吏禮二部  
議凡會議時大臣見諸王不得引身長跪著爲令

李瑞徵字中峯直隸容城人康熙丙辰進士

富孫按先生學問該博嘗與修畿輔通志惜未見其遺著

王含真字樸齋號寅若山西猗氏人康熙丙辰進士

遇孫按寅若幼穎悟工文章學有根柢與人言率本諸經好  
義樂施知舊多賴以舉火嘗建尊經閣聚邑文士月試之如  
鄉閭例皆予以館穀猗氏學滋興當太常卿朱公裴保薦時  
以父巖微齒高不欲出父促之不得已就試試畢卽日馳歸

父卒雞骨苦居見者咸歎其孝至戊辰赴銓疾作而卒

金居敬字穀似江南長洲人康熙乙丑進士授山西靈邱知縣

富孫按穀似出阮亭門下少負才名遠於經史制義取法震

川屢躓場屋登第年已暮矣嘗與孫致彌同修 幸魯盛典

書成授靈邱令惜未竟其所學尋卒於官

王阮亭蠶尾集云穀似以文章擅名當世未登館閣謁選得

雲中下邑無幾微愠色作長律十六韻畱別都下同志不鄙

棄其民而唯願以文翁爲法此其志不在溫飽可知也

陶元淳字子師一字紫司江南常熟人康熙戊辰進士授廣東

昌化知縣著有南崖集

富孫按紫司以太學生膺薦舉業有聲於時後師事閣潛邱

益瀏覽載籍令昌化作浮糧考魚鱗冊會稽經費錄區分縣  
事如家事爲民請命與上官往復千言動以至誠海外武弁  
驕橫盡發其姦狀將吏無不歛戢時行郵落問民疾苦行不  
坐乘暑不張蓋以勞卒於官邑人尸祝所謂古之循吏非耶  
全謝山云紫箚以古文雄於吳下時論比之范蔚宗崑山徐  
尚書雅重之延之書局其後以寡元致失歡而同里翁尚書  
排之尤烈及成進士不能入詞館知昌化縣孤羈窮島竟卒  
於官

李大春字

陝西西安人舉人

葉灼棠字函公江南江寧人貢生官福建興泉道

遇孫按函公任閩副使時頗有政聲其條教告諭剴切詳明  
得王文成公遺意至今人多稱之

譚吉璵字舟石浙江嘉興人明太僕卿昌言孫監生試補宏文  
院撰文中書遷延安府同知陞登州知府著有延綏志肅松錄  
爾雅廣義嘉樹堂集

先生父名貞良五經進士其才不可一世人稱築巖先生一  
目數十行下嘗以諸生應秋試五經文並完雙行小字以繳  
監臨中丞大驚封卷奏進遂以五經舉進士前朝五經之科  
自公倡之也

富孫按築巖先生入漳遇寇先生尚幼以身蔽父擊之不去  
寇曰此孝子也舍之與弟左羽並能文同知延安時副將朱  
龍叛身宿城上與民死守川寇陷延綏運道絕命勇士間道

渡河以山西粟突圍入榆林得完尋膺薦舉遷登州太守  
顧亭林云舟石勤於讀經叩其書齋插架十三經註疏手施  
朱墨始終無一誤句我行天下僅見此人

施清字伯仁浙江錢唐人拔貢生考授布政司經歷補永州通  
判著有十三經異同解攬雲懷新等集

富孫按伯仁少穎悟篤學嗜古及長工詩文補博士弟子以  
選貢授國子監官學教習課士嚴而有法除陝西參軍尋知  
巴州薦舉後起廣州判以內艱歸補永州主岳麓書院講席  
學者雲集

陸次雲字雲士浙江錢唐人監生考定州判試罷出知河南郊  
縣丁父艱起復知江陰縣著有八紘繹史繹史紀餘荒史峒谿

織志志餘 清詩選湖塘雜記北墅緒言澄江集玉山詞

富孫按雲士詩極排異能獨出新意徐健菴先生敘其集知  
郊縣有惠政去之日民走送累百里雜著甚富又有條論經  
史三書其發揮意理者為尚論持平辨証疑似者為析疑待  
正較析句讀文字異同者為專文標異

潘藩大字 江南 人監生考選江西宜春知縣

張霍字一衡福建侯官人副榜授光澤縣教諭

遇孫按韓慕廬有送張霍還侯官詩云往惠子琅玕氣與江  
湖奔真奇欣激賞交臂不可緩又云神物必騰躍高鳥歟飛  
翻三年泣和氏百里豈士元

趙廷颺字 陝西 人拔貢生原授鞏昌府文縣教諭候

補國學員缺

宋維藩字价人浙江建德人貢生候補州同著有白雲閣詩集  
遇孫按先生詩極清綺嘗有寶華洲和楊仲延韻云一湖蒼  
翠護城灣高閣登臨晝掩關涓滴流來曹洞水雲煙堆出米  
家山游魚應解濠間樂舉世誰知竹裏閒不謂使君多逸興  
尋詩終日竟忘還

朱培字

浙江

人歲貢生考定訓導

鶴徵錄卷第六

門人張湘校

鶴徵錄卷第七

嘉興李集敬堂輯

從孫富孫

續輯

孫男遇孫

與試未用三十人

陸元輔字翼王號翰隱江南嘉定人布衣著有十三經註疏類  
鈔菊隱集

先生為黃陶菴先生高第弟子博貫載籍尤深經術同人推  
重之有折角奪席風焉 召試之日恍惚見陶菴先生以不

入格罷

余同年友金蓉曰曝書亭藏書八萬卷為古今之大觀及至

廣陵書局見馬秋玉至十六萬卷然細閱之秋玉於正本之外得宋元善本兼收並蓄又錄其副是以倍之其實亦止八萬卷其精本鈔之竹翁者居多又曰竹翁書最可惜者有二一爲明西亭王孫之經序錄歸有光敘之實未有刊本自孔子後凡十四經之夥畢載焉爲總敘爲自敘爲題跋爲書後凡註釋經者纖悉畢採覽其敘目竟不必見元書也西亭之書沈於水竹翁此書不知流落何所一爲陸先生之續經籍考馬氏通考惟經籍出門人手大約取材讀書志及書錄解題間有誤處先生訂其謬而正其失自宋末元明至本朝初年苦心搜羅零篇斷簡無弗登之竹素凡姓氏爵里人品功業國志閭書一目了了末附以評論有已出者有採之他人者識者謂遠勝王圻之竄入二氏也竹翁經義考以二書爲藍本惜又逸去無存矣西亭鈔本約四五十冊續考亦稱是今附書於此以俟訪求焉

富孫按先生少師陶菴先生以敦篤之姿精微之學稱之其學博極羣書而要歸於六經人皆稱陸先生不舉其字學行洵不愧師門

姜湛園菊隱說云陸君翼王少事舉子業中遭感憤廢輟窮研於六經無虛日夜各成疏義十餘卷其自號菊隱予視其庭中無一菊者竊疑其所稱非實然菊之爲性掩葩於豔陽之日挺節於嚴霜之候是屈子之所欲餐而陶公之所嘗采者也以君之慕乎古舍是其奚取焉

陸冰修十三經類鈔敘云翼王嘗讀書王太常煙客家家嘍城先輩多經學之士如張公路張茂仁邱子成唐叔達徐汝廉之流指不勝屈翼王又親爲陶菴入室弟子宜其學有師承而著書足以垂後也

經義考云嘉定陸翼王毅然欲別撰續經籍考以洗王圻之陋窮年鈔撮積至數冊未經刪定而歿然元明遺籍索隱抉微不少

吳雯字天章號蓮洋山西蒲州人生員著有蓮洋集

先生少負異才所至輒傾其座有題雲林秋山圖云經營慘澹意如何渺渺秋山遠遠波豈但穠華謝桃李空林黃葉亦無多亟爲阮亭所稱竹翁贈詩云吾鄉詩人李十九常把君

詩懷袖中蓋先公亦愛其才又嘗集古人嘉事爲一編名曰蓮洋烏絲集手寄先公一小冊書法古雅惜逸去

遇孫按先生詩情高邁當世無輩先公畱別詩云磊落寓浮湛雯也得其趣悠悠彼何知但賞子詩句竹翁贈天章詞亦極推重徵赴京師獨不掃門時相臨胸馮相國讀其所作詩文大加歎賞裴耽二氏書頗有出世之志

王阮亭云蒲坂吳天章予同年臨穎君<sub>允</sub>之子初至京師未知名余亟賞其詩謂爲仙才一日待漏朝房誦其句於葉

訥菴云泉繞漢祠外雪明秦樹根濃雲溼西嶺春泥霑條桑又門前九曲崑崙水千點桃花尺半魚葉大驚異下直卽命駕訪之吳詩名大噪都下在京偶得漢銅印文曰河聲嶽色

吳家中條山南永樂鎮臨大河對岸卽華嶽三峯也玉谿李  
義山家於此又云天章天才超軼人不易及嘗爲予題雲林  
秋山圖尋常眼前語正自百思不到晚買小圃中條之陰有  
竹數百竿榭橋各數株余題之曰中條竹陰乃未及歸老而  
天章死矣惜哉其集遺言屬余刪定後世必有知之者  
李良年字武曾初名法遠又名兆潢號秋錦浙江嘉興人生員  
著有秋錦山房集

富孫謹按先世與海鹽虞氏爲世戚先徵士公初襲虞姓諱  
兆潢占籍補博士弟子後卽更易鴻詞之舉趙膳部隨以今  
姓名本貫列薦於 朝咨查嘉邑儒學竝無其名膳部幾干  
吏議曾有書致先徵士公云但得申明虞某卽李某便可免

議全謝山詞科謔言戴菴塘吏垣贖略兩名並列俱屬謬誤  
朱竹垞徵士李君狀略曰君九齡能草時文十齡解賦詩余  
方避地長水借里人詩篇酬和處士屠贖曰子之才里中罕  
儷吾門有李生將來庶幾與子並駕乎君兄繩遠弟符江左  
言詩者目爲三李後君至都下無所遇畱宣府余從逆旅見  
君復偕入都游西山題詩於壁傳抄者不絕一時朝士爭欲  
識吾兩人每召客輒問座中有朱李否合肥龔端毅公鼎孳  
爲文酒之會延知名士三十餘人君以墮馬後至燭見跋矣  
必俟君至乃舉爵宛平孫侍郎承澤謝客著書特與君爲忘  
年友長洲汪編修琬爲文高自矜詡獨傾心下君君方欲羅  
當代之文甄綜爲一集曰文緯人咸冀君之錄其文也故編

紆之投恆倍又持論和婉多可少怪故人皆樂就君論說永  
年申檢討涵盼常語人曰聞米十論詩文使人心憎未若李  
十九之可親也時曹侍郎申吉出撫貴州引君爲助既聞三  
藩同撤曰亂將作矣遂力辭歸既抵家雲貴告變己未試罷  
有鳳陽守延君君與偕畱久之歸築秋錦山房於漾葭灣南  
曰觀槿東曰剩舫北曰息游草堂坐臥其中弟子著錄者日  
衆其後兩至福州贊巡撫軍事尋以崑山徐尚書乾學開書  
局於洞庭山君應其招助修一統志自是歸不復出

附文緯敘例

某不敏自束髮受書迄今二十年所性不近名蹉跎晚未  
能有所表見顧亦嘗自奮於作者之林而窺其梗概矣夫文  
章關乎運會頃者海內又安上自公卿百執事下逮山林閭  
巷之英並以餘閒發爲著述起衰救弊此千載一時也某竊  
觀往帙如唐文粹宋文鑑元文類各有專書明雖無定本選  
帙尤繁所以昭一代之文獻備將來之徵考非祇粉飾太平  
已也今 昭代鴻篇度越前古聽其散軼何以闡揚盛業垂  
示來茲乎用是不揣固陋爰謂斯任可肩擬有

皇清文緯之選蓄志有年復以今日選家林立必有出而哀輯  
者需其善本又歷歲時今者目擊時趨不能自己爰以夏五  
經始搜羅但耳目難周隕越是懼伏冀羣公盡發篇章更爲  
指示弗以小生末學狂僭迂疎坐觀其不逮則斯文幸甚而  
某亦藉手以觀厥成矣

文體先後略如文粹例而去其冗繁補其疎略先詩以古體

分樂府次騷次賦次奏疏次制策策問次經旨次論次議次

不另列次誌銘次記次頌贊次書次敘凡時文序及上壽次考次

碑表誌銘次記次頌贊次書次敘有婚諸敘不列次考次

辨次解次說次祭文哀辭誄次傳次書事次題跋次雜著凡

為類二十有一為體二十

文以代分凡甲申以前之文不錄至如勝國名賢或廟堂之

上晚謝簪纓或韋布之士永矢嚴壑尚欲另為哀輯茲集未

敢徧徵至於聞見所及偶登一二比於元文亦列遺山而鐵

崖雲林諸公並見國雅及各家詩選內往例可循初非混載

閱者諒之  
一詩列卷首與專選詩集不同古體詳近體稍略

經國大文莫先奏議茲選尤所亟求然如糾彈一人題請一

事者美不勝收恐滋簡帙未敢悉登

各體文必關經術持風教紀山川述異人異事則錄他或漫

無寄託或敘記等篇迫於酬應有諛無規作者既非本懷雖

美弗入

閉戶著書末由宣索人琴既遠遺草終湮表章推輓之功於

斯為亟大雅君子伏惟留意幸展轉以相尋冀傾筐而見示

諸名家專集見投篇章浩繁必再三詳慎而汪鈍翁左司時

相晨夕每聞高論取益良多凡臆見所不能定者悉從商推

選家非急於沽名即貪於射利或推尊一方標榜數子或瑕

瑜並載良楛雜陳既非海內之完書徒示將來以不廣此昔

今通患也某一介淺儒何敢妄加評定然稍知自好正欲力矯流弊歸於正大庶無仰玷名篇亦見編摩微意

選家附見已文久成陋轍某茲集不敢攙入隻字

河山迢遞郵寄爲艱然是選也薦紳多匡助之雅吾友著同

聲之應都會所在浮沈無慮如都下諸先生則寄汪鈍翁程

湴榛兩戶部劉公敵考功王阮亭儀部譚舟石舍人處維揚

王築夫孫無言處白門倪閣公處吳中計甫草孝廉處武林

陸左城王古直處嘉興鍾雪園俞右吉兩處士家兄斯年處

徐林鴻字大文一字寶名浙江海寧人生員著有兩間草堂集

富孫按大文之先本莆田林氏後徙海寧贅徐氏因襲其姓

大文天才俊逸早有聲藝苑時婁東雲間江左與武林諸名

士各立壇坫以文章震耀一時大文以年少馳騁其間爭相

引重試有司輒冠一軍學通今古工辭翰上擬左氏下類兩

晉咸謂有良史才巡撫陳公秉直薦舉應試放歸掃一室讀

書其中作爲詩歌清新典麗尤篤友誼漢陽王明府世顯南

昌王處士猷定客死於杭太倉王徵士吳四明周處士容卒

於京皆爲經理其喪復收遺集以付其孤竹垞撰墓銘深以

不得同入史館惜之

毛西河徐寶名詩序云往者見寶名於姜侍御座間已知其

詩不詭隨及與予同舉制科時諸賢各以詞業投相公幕下

予從高陽益都兩相公許讀寶名詩怪其違時而孤行暨予

歸田後僦居杭州在昔同方講藝文者皆老死無復存而寶

名

名巋然往往相見道故舊外自傷年及桑榆經學之不明又  
何暇及藝文事而寶名之詩則哀然爲學者所宗豈非主乎  
時而不與斯時爲低仰者與寶名抱長才重與時違四方羔  
雁不絕於門聲名播寰宇其作述之盛何止聲律嘗爲貴陽  
使作龍番諸志惜先我而逝徒以遺詩數卷拭泪眼而爲之  
校讐也

今世說云徐大文少時卽名播江左數好遊所至公卿大夫  
及賢豪長者爭願交歡又云大文將游豫章其友吳慶百林  
玉達送之時徐年少慷慨涉江遙指笑曰吾過洪都惜子安  
已歿無可與言詩者客或乞吾書正怒麻姑碑板羞見吾耳  
其簡傲如此

陳莢字堯夫浙江秀水人生員著有東谿詩藁

先公集中有晚泊京口堯夫乘風便先發一詩云識路不妨  
我後涉乘風輸與客揚舲蓋途中感遇之作也然聞陳先生  
先發被劫逗遛告捕踉蹌後至都門事誠有不可測者

吳農祥字慶百號星叟浙江錢唐入明宮允太冲長子生員著  
有輿圖隸史彙考補錄文獻通考嘯臺讀史綠窗讀史梧園雜  
志宣齋南歸雪鴻流鉛嘯臺等集

星叟博綜能文與志伊齊名虎林呼爲二吳

富孫按星叟少異敏一覽卽能成誦家有賜書鍵戶伏讀茹  
經涵史馳騁百家陳司空鼓永謂經國宏業固賈生晁令之  
儔卽雕蟲小技亦相如子雲之亞其推重如此戊午司空遂

首疏薦巡撫陳公秉直亦以名聞俄爲忌者所中放歸網羅  
遺佚以著書自娛總督尚書李公鄴園既定聞亂聞星叟名  
請見欲畱之幕中辭歸尤精於易與毛西河極爲友善論議  
不肯苟同又有錢邑志林唐詩辨疑詞苑等書

星叟云益都相國集名流於幸舍古文則舉農祥及汪琬儷  
體則舉祥及陳維崧詩賦亦舉祥及毛奇齡小詞則舉陳維  
崧彭孫遜越闔而又以祥爲首此語楊雍建自西道之言公  
在會場徧告賓客也

松窗筆乘云錢唐吳慶百海寧徐大文同學友善皆有詩文  
名吳尤工儷體徐通敏諸大吏皆延之上客吳疎懶放浪文  
酒間戊午同膺薦入都止竹林寺聲譽並噪一時又云兩君  
皆與予同庚 召試時予繕寫垂竟忽眩暈久之始能完卷  
時以溥暮大文交卷訖復畱待余同出長安門今墓木已拱  
念之未嘗忘也

葉奕苞字九來江南崑山人監生

先生兄某早歲成進士入翰林頗自矜許先生少負異才博  
雅擅詩歌至京師名出兄上與先公交至契己未之徵先生  
名登薦牘與先公同爲所忌并試卷匿之

遇孫按先生善繪事嘗有水墨山水便面贈先徵士公極澹  
雅之致與兄割分一園名曰半菴當時諸公多題詠之

陳迦陵葉九來詩序云九來年少負盛才爲人礪砢善使氣  
目光閃閃若巖下電酒閒譚說聲如洪鐘余嘗於棘闈中漏

下四鼓聞有呼於明遠樓前者私語同舍生此必吾九來已而果然鹿城葉氏華要甲天下九來居平獨搯腕言曰大丈夫富貴吾所自有所不可知者年壽耳吾鳴箏跼屣旦晚而遊於鳴珂絳斜間猶不失吾游閒公子態也以故九來於里中頗多狂名

施愚山青及軒記云葉子九來作軒於玉峯之南名之曰青及去年夏秋間以博學鴻詞徵之有司敦迫切峻單車詣闕逾冬涉春遂巡待 詔乃南望歎曰春已過半遂逐無所底安能舍吾軒燕吾田而塵壒處乎然葉子方擅文辭多游好又有伯氏學士爲顯官於 朝吾虞葉子之歸不果也孰知竟以忌見斥耶

吳星叟云九來爲人豪達爽直爲掌院學士訥菴從弟 殿試擬第二甲第四名學士歡噪遣女奴馳白之九來感涕不知何故失之嘗於未試時命諸名士製其繭園雙鶴詩余有素翎凌雲丹頂奉日之語及余同有第一甲第三之擬笑曰君言詩識矣後俱駁放誦前言而黯然命余更爲之仍邀余南歸遊繭園當作平原十日之飲急歸不果今又六年矣未知故人何如耳又云是舉衡才三闈臣而收掌則掌院也皇上已呼召宣付至四十人忽顧杜克德馮溥葉方藹項景襄李天馥曰此外豈無龍虎淋漓之網者乎於是馮以農祥徐林鴻咸清王嗣槐對杜以白夢麟施清高向台對而葉以奕苞對且搯吳音曰渠臣從弟也臣若不舉當啣恨刺骨

天顏不憚遂悉罷去不用而是日補入者爲邵吳遠爲嚴繩孫  
閻若璩字百詩號潛邱山西太原籍江南山陽人生員著有古  
文尚書疏證四書釋地潛邱劄記等書

遇孫按潛邱五世祖自太原徙居淮安小時口吃資頗鈍讀  
書至千百過未熟十五歲冬夜讀書有所礙沈思堅坐心忽  
開朗自是穎悟異常是年列學官弟子康熙初始游京師在  
都日與汪鈍翁反覆辨論不合性好詆訐詞科五十人中獨  
許吳志伊之博覽徐勝力之彊記謂李天生杜撰故事汪鈍  
翁私造典禮所服膺者三日某曰黃太沖曰顧寧人平生長  
於考覈有闡先儒所未發所著疏證一書攻擊古文可謂不  
遺餘力矣後崑山徐尚書健菴開局洞庭纂修一統志潛邱

與顧景范黃子儀胡朏明俱以專精地理共爲編輯趙秋谷  
至謂百詩學問博洽幾欲前無古人子詠進士官中書舍人  
毛西河送閻徵君歸淮安序云子避讎之淮安與閻君潛邱  
交暨之梁宋復歸淮則稍稍有言潛邱君年損而學多者於  
是躬詣之與之遊及予還舊鄉會開制科舉天下彊才有學  
之士徵車四出其淮則潛邱君首應之予得相見於京師  
觀其所著書夥願哉言洋洋乎乃不見用而罷值司寇徐公  
承命修天下志書未成聘潛邱君掌其局多所論著既而  
謝去出其所辨尚書二十五篇廣其文約數十卷挾之游錢  
唐時潛邱亦垂老毛髮種種而予則歸田有年越七十衰矣  
乃取所爲文讀之謂之曰吾不知於漢北海君相去何等若

唐之孔仲遠宋之深寧叟則出之遠矣

郎戴瓚字

浙江錢唐人生員

馮行賢字補之一字圃芝江南常熟人布衣著有餘事集

富孫按圃芝爲定遠先生之子詩學白樂天卻有自得之趣

與吳蓮洋最善

居易錄云補之交於余能詩工書予二十年前曾選定其詩

云

鄧林梓一名琳梓字肯堂號玉山江南常熟人布衣

富孫按肯堂爲明孝廉文度先生曾孫生而穎異年十三作

空谷詩見賞於松園老人呼之爲鄧空谷爲諸生名藉甚尋

以糧累黜去益肆力於詩歌唱酬皆一時勝侶屢集冒氏辟

疆園同人集頗載其詩久之被薦入都而卒

王宏撰字無異號山史陝西華陰人監生著有易圖象述筮述

砥齋集

先生博貫載籍書法逼真右軍尤深易學會爲先公書扇小

楷如鍼芒細繹之乃所著易學乾卦也象義兼該不肯附和

宋人至今寶藏之

富孫按先生工書法博學能古文酷嗜金石王阮翁稱爲博

物君子所著十七帖述并註極雋而核又刻華州郭宗昌金

石史家藏漢唐以來金石文字甚富古文辭亦嫻雅已未徵

至京師居城西昊天寺不謁貴游有病臥昊天寺述懷云

盛代開東閣徵書下五雲彈冠疑貢禹對策憶劉蕡敢謂功

名薄無如出處分故山冰雪夜猿鶴數聲聞遂以老病辭不  
入試罷歸關中蓋張雲叟一流人物所居華山下有讀易廬  
潔樸無纖塵阮翁典試滇南嘗訪之山居聯額皆孫鍾元鄭  
谷口李天生諸名士書其獨鶴亭在華北與三峯相向嶽影  
滿窗陰翠可愛易圖象述等書即讀易廬中所著  
汪鈍翁砥齋集序云王子旣與子定交因出是集示予讀孫  
督師傳庭公傳采輯情事旣詳且核加以敘次簡潔有法頗  
得太史公傳傳斬蒯成之遺意王子多諳前明故實尤好鑑  
別唐宋以來法書名畫平生爲文甚夥其議論馳騁今古悉  
有依據非苟作者

池北偶譚云頃來京師觀山史所攜書畫聊記之定武蘭亭

五字未損本有米元暉宋仲溫二跋又仲溫臨趙文敏十七  
跋又典唐寺石刻金剛經貞觀中集王右軍書又漢華山廟  
碑沈石田秋實圖三物皆華州郭宗昌允伯家物皆有允伯  
跋華山碑有虞山長歌卽所謂郭香香察未遑辨者也又李  
營邱古木賈秋壑題詩惡潦倒可笑華亭董宗伯得之南充  
陳文憲公者有跋又唐子華水仙圖甚妙今諸物惜不知流  
落何所矣

今世說云王山史學粹天人性命克紹濂維關閩之緒與李  
天生初未相識一日邂逅長安茶肆隔席遙接各以意擬名  
姓及詢之皆不謬遂與定交

楊還吉字六謙山東卽墨人貢生著有味道樓集

遇孫按 國初詩人山左稱盛如趙清止宋荔裳王西樵阮  
亭諸公名滿海內六謙與田子綸曹升六李漁邨王仲威後  
先並起各自成家了無扶同依傍之病嘗有秋夜寄彙征伯  
兄詩錄眎先徵士公云游子久不歸畱滞在何方白露忽已  
屆夜雨凝清霜不知霜早晚但見草木黃南園收芋栗臨崖  
割蜜房及此歲未暮好治我衣裳於物雖少取與世幸無妨  
俯仰體自適邱壑性難忘漢陰有父老策杖話羲皇書法亦  
似褚河南

施愚山贈楊生序云卽墨楊生還吉志潔而行芳才茂而年  
盛其鄉皆稱之不肖就有司試縣令張君琛折柬招之強而  
後出余爲補諸生冠軍鐫其文生以其詩文爲贅逾年萊州

憲使張君又合校萊土而冠之遇以國士張君號知人生用  
是名益著

羅坤字宏載浙江會稽人監生著有蘿邨詩詞集

富孫按毛西河謂宏載新詩已能到劉河間平視近代邊徐  
一輩其文大率記所游雖小品願善摹畫每讀一首如展畫  
一幀又精小學能篆刻偶作竹木奇石法老蓮薦舉放歸益  
肆力詩古文辭名流咸推重之嘗題楚中見嶽樓有一城樹  
色圍煙火百里江聲送夕陽之句

朱士曾字敬身浙江山陰人布衣

遇孫按先生與朗詣爲兄弟行擅詩歌工書法竹翁嘗有蘭  
亭行贈朱大云吾宗髯也書絕倫頻過論書仍論文臨池就

我一題扇世上俗學徒紛紛又送與錢六同游白下云一朝  
並馬金陵去閒殺羊欣白練裙

徐咸清字仲山浙江上虞人明兵部尚書人龍子蔭監生著有  
資治文字

富孫按仲山居會稽之稽山一歲能識字五歲通一經甫束  
髮以官監生應鄉舉有文名娶冢宰商等軒周幼女嗣音能

詩乃就稽山闢廣庭構藥欄設長筵發所藏書散塚之對坐  
縱觀暇則抽牘各為詩女昭華執經於毛大可亦有詩才仲

山嘗博取訓纂說文玉篇篇海諸書以正字形取切韻唐韻  
廣韻集韻諸書以正字聲而縱考經史子集暨唐宋元諸大

小篇帖凡有繫於說文者悉搜採以正字義名曰資治文字  
凡一百卷戊午至都謁高陽李相國霽相國工小學與論字

多辨詰是非深為折服  
毛西河資治文字序云仲山洞精字學其於三蒼爾雅諸書

自李程以下正變沿革源流瞭然且又博極墳典資所考核  
古文篆隸無不殫智觀其發凡大約有正字正音正義三端

依韻分部部下分畫畫下分母前五後俗始古終今其訂証  
之確引據之博自經史子集及九流百氏稗官小說搜輯貫

穿洋洋乎一巨觀也蓋將以佐一代同文之治豈僅為載籍  
之先資哉然仲山為是書雖本學力實有夙悟太君俞夫人

以識字稍魯發願惜字句鬻一善識字兒見剩字必拾出入  
贏筮仲山生甫歲餘即識字稍長學書法輒能自為起止學

篆亦然其穎悟如此

制科雜錄云同志有學最好者惟上虞徐仲山以其無寓薦之益都師將邀至外舍時吳志伊與諸公先在舍仲山偶以辨字與志伊不合遂不果後益都力薦仲山 召試拆卷時於上卷中斥去一卷

上命擇一有名者補之益都以仲山薦

上曰有著作乎曰有資治文字若干卷旁一學士曰字書小學也遂置不問

阮吾山云徐仲山 召試歸益都馮文毅贈聯曰 北闕上書識盡西京才子東軒 賜食歸貽南國佳人商夫人後年八十容貌如二十歲朝夕惟飲乳汁猶吟詩讀書不衰

夏駟字文茵一字宛來浙江烏程人歲貢生著有爛谿堂集

富孫按宛來工古文游屐遍天下己未總憲魏公環極以浙江學使程某歲試湖州關防不密爲一戚屬舞弄至以簞籩不飭見於彈章辭連宛來薦舉時在京師有書數千言致魏公自爲剖別言程學使未經抵浙先已入都然事未得白竟不獲與試

戴履塘吳興詩話云康熙己未鴻博之選吾湖只舉夏宛來旋以蜚語未試借趙黃門吉士赴交城任著交山平寇本末採鐵鑄劍佩之有青鋒三尺腰間雪斑管干枝夢裏花之句淪落以終沈閣學涵贈詩云一笑功名看塞馬忘機心事羨

沙鷗

陳僖字藹公直隸清苑人拔貢生著有燕山草堂集

富孫按藹公嘗受業於清苑高淵穎其文爲當時推重堯峯集中有與陳藹公論文書謂劉公敵盛稱其文以爲不減古人計甫草亦稱其所爲邊大綬傳等作

居易錄云門人陳僖以古文名河北來京師弔真定梁公示余上谷殉節紀事敘述甲申流賊之變邵同知宗元張光祿羅彥金御史毓峒諸公事蹟甚得太史公筆

松窗筆乘云清苑陳藹公以詩文名河北豪邁不羣自言生平不肯作無關繫文字 召試入都貽余書有云素不耳食非目覩不敢信獨於予歎相見之晚蓋愛而忘其陋也余奉使過保定擬造訪之以 王程敦迫不果

宋涵字叔邃江南溧陽人監生著有蘭楚堂集

遇孫按叔邃髫歲卽善制藝肆力詩古文詞探抉閩奧縞紵盡天下知名士後以父年衰欲博一第以娛親乃就童子試卽獲雋戊午薦徵鴻詞罷歸徜徉泉石舊交貴顯者不妄削牘以干人歎爲高雅

葉方蔚字敷文江南崑山人生員

富孫按先生爲學士初菴弟放歸後讀書吟詠以明經終錢竹汀宮詹曾覽其行狀爲予言之

成其愿字

山東樂安人生員

遇孫按先生與少司馬愚崑其爲兄弟行愚崑通知天文賊

據岳州官軍未卽攻拔時爲御史密疏言當於某月日克復

岳州已而捷至如所言後長沙之捷雲南會南之捷皆密疏  
克復時日不爽曾任浙藩亦有惠政

紀昉字仲霽號朮菴直隸文安人生員著有桂山堂集

遇孫按朮菴兄愈字孟起康熙丁未進士官戶科給事中夙

具偉略歲己酉倡先守禦土寇邑賴以安弟元中順治乙未

進士官淮安府同知文安紀氏亦推望族朮菴詩蔣景祁瑤

華集中選錄數首

紀曉嵐云河間紀昉

作獻縣人

舉鴻博以天性疎放恐妨遊覽稱

疾不預試

程易字兼三江南休寧人廩監生

富孫按兼三少力學工詩詞善屬文並有名於時晚中稱為

才子

方渭仁程兼三詩敘云今士之能詩文者莫不待詔 闕下

新安程君兼三游京師褒然舉首余從江君辰六得觀其所

為文一日介朱君繼菴以其詩屬余為之敘君負才不偶所

為詩未嘗輕示人顧乃抑然善下就拙工而問繩尺然則君

之虛懷誠不可及也

戴茂隆號蘿軒浙江平湖人監生

富孫按徐圖臣清引堂集謂蘿軒本松江籍徙居當湖嘗有

春藻堂讌集詩錄寄先徵士公云物候三秋換賓筵兩地分

遠方欣命駕終夕與論文屋角明蟾魄天風落雁羣百年幾

歡會揮手謾紛紛

許先甲字彝千浙江杭州人廩監生

遇孫按先生爲勉無于勉無讀書竟夜不輟先生能臥聽父讀書且輒默誦無遺少岐嶷總角風氣更進嘗詣從祖原孝每索冠見之左右曰孫見祖何復著此原孝曰此子是許氏南來之秀

今世說云彝千嘗登語谿大橋日城中青楓歷歷歎曰此樹不知幾歷興亾司訓桐鄉時值盜警城無守禦邑令惶怖彝千曰是可先聲奪之邑中火炬齊發金鼓震撼盜以有備駭去邑令歎曰公此舉雖古曳柴增炬剪楮削木何以過是

周起莘字次修浙江蕭山人廩監生

遇孫按次修詩有氣岸嘗贈林爾公云洛陽花近清明日旅况蕭條缺欲彈金谷園中嘯鴉滿銅駝市裏鬪雞寒聽魚雪暖黃河度竝馬雲明華嶽看別後相思君不見幾時消息到長安過臨邛弔司馬相如故里云倦游四海卻歸來意氣凌雲五色開盡道茂陵能作賦懸知漢武亦憐才琴臺日暮多愁病酒肆人間不貴財誰有風流遠繼此古來奇遇獨徘徊黃始字靜御別號東吳廡客江南吳縣人生員

遇孫按靜御有句云一聲嘯鳥半江月才到兩山天欲明漁洋極稱之爲諸生以事黜革嘗綜同輩駢體選有聽嬰堂四六新書

陳懷貞字

山東曲阜人歲貢生

富孫按先生勤問學敦行訪遠近無不欽其渠範歿後入祀

鄉賢祠

宋昞字懼聞浙江山陰人布衣著有廬堂詩鈔

富孫按竹翁手錄續題名單作宋昱山陰布衣樵李詩繁作宋昞云字懼聞山陰諸生已未薦舉不赴有辭朱德園中翰書今僑寓禾中載有山居詩云綠陰多樹處老屋紫苔肥坐久谿雲出口長山鳥依偶占詩句好補索韻音稀會有鄰家子花時來叩扉


見聞隨錄云懼聞明末諸生居江頭里游京師作感遇詩百首會徵鴻博中書朱公尚隆素無交酬見所作大愛之急以名上下郡邑迹之無其人疑遜迹緇流檄僧綱司徧索諸越中諸蘭若而不知是已入閩終不應人以朱公愛士之篤與

昞自處之高兩奇之讀大學甚病晦翁改本之顛越紛更不啻深仇巨痛別作古本解疏匡救之一時狃於科舉積習親知皆咋舌相規夷然不顧也其子爲松江郡倅至其署不久卒子亦歿竟無後當是旅居京師遇鄉人必邀至其邸脫粟相對又時時臨岐送行無虛日有遺詩嘲之者曰十載長安老秃驚常將茗酒款交遊臨行更唱陽關曲送到杭州與越州昞老而髮秃故云

邵允彝字

江南全椒人監生

門人張湘校



鶴徵錄卷第八

李超孫續輯

雜綴

毛西河制科雜錄云康熙十七年吏部奉

上諭特開制科以天下才學官人文詞卓越才藻瑰麗 召試

擢用備顧問著作之選名為博學鴻儒科 敕內外大臣各薦

舉來京先是二年間

上厭薄八比已 諭內三院九卿於甲辰丁未兩科改換策論

著以經濟時務取士而廷臣狃於故習皆言古學不可猝辦仍

暫用八比以俟除復因特開是科振厲其事兩浙州縣所薦合

五十餘人核至五人而予名預焉是時相傳為博學宏詞科按

博學宏詞爲前代科名此並非是但世不深考不曉鴻儒所自  
出遂以宏詞當之卽同試與同籍諸公亦尚有自署其銜爲宏  
詞者不知鴻儒二字出自董仲舒繁露有云能通一經者曰儒  
生博覽羣書者號曰洪儒故其後作陋室銘者曰譚笑有鴻儒  
鴻卽洪也猶古洪水稱鴻水也

尤西堂年譜云余以七月至都時同徵者未集

上命待 詔闕下月給米三斗銀三兩自十一月初一日始

施愚山上內閣書云伏聞

御批有薦舉人員著候到齊之日考試之旨

聖恩汪濊屢沛 溫綸張八紘之網集四海之士卽累月浹歲

沒齒餘榮豈草莽臣所敢言抑寒蟲羈鳥有迫而欲鳴者敢以

獻於閣下計天下被薦者內外出處凡百八十餘人除丁憂准  
免者九人見在驗到者百三十一人續到者七八人物故者四  
人題明不到奉

旨續催及未經查明題報者共二三十人以所部敦促上道度  
必有疲瘵衰疾實不能起者且今之耆舊如傅山杜越年垂耄  
耄病不能輿馬兒以籃筐馳臥國門外亦可見

天朝之曠典莫敢不舉踵希風矣秦楚閩越文檄往還非兩月  
不達說者謂歲月沍寒短景孟春凍未解二月又舉禮闈非三  
四月不暇及此其在富厚有力所親官京師者坐擁輕裘飲酒  
讀書甚樂也四方寒素之士多不敢過望作持久計僉謂八月  
赴限九月 陛試取進止以僕薄宦餘二十年坐臥一羊裘盛

著出門都無所攜頃方稱貸營寒具其他貧士且遠出僕下今  
聞有就食畿輔他縣者有寄宿僧廬者狼狽萬狀北地苦寒裂  
膚此輩短褐不完糞後不給萬一老病凍餓間且溘焉填溝壑  
誠無異九牛一毛然

皇上仁覆海宇側席闕門惟恐一士之不集輦下使輦下  
待詔之士若此當亦惻然不忍聞也伏計

皇上回鑾在陽月中旬倘久霽冬和或尚可炙硯一試其年逾  
七十有疾者禮有憲老之典或從寬免其試而見放者猶可歸  
田卒歲及此憑軒策士使天下應詔大小臣工布衣野老受  
簡進言卽不逮董賈揚班亦可以歌詠盛事垂諸竹素始徵之  
甚渴既待之甚溫不忍終置之經年逾歲之久亦所以宜曠

恩光盛舉也

全謝山詞科摭言云按是科卽唐宋博學鴻詞之選特前代舊  
例三年一舉其願試者投牒吏部自獻所業三卷吏部校其高  
下中選者召試則於制未爲隆以天子親試故謂之大科本  
朝則極典禮之隆以大臣薦章入告而以鶴書致之其就道則  
封疆大吏報其起程之日其解驂則部臣奏其抵京之日是兩  
漢以來安車蒲輪之制故預試者皆得稱曰徵君特蕭山毛奇  
齡謂

上諭本作鴻儒不當稱爲宏詞則未盡然鴻儒固足以該宏詞  
然實卽鴻詞也唐人於是科之目有曰文儒異等有曰博學通  
議有曰文詞藻麗

又有作清麗秀  
逸宏麗諸名者

有曰風雅古調有曰博通墳

典皆博學鴻詞之變稱也宋人於是科之目初亦曰博通墳典  
既而祇曰宏詞又改曰詞學兼被尋定爲博學宏詞中間又祇  
曰詞學不久仍舊則亦旁見不一是必欲爭鴻儒之非詞科者  
不亦固與況考是時大臣薦書多稱爲博學鴻詞者

上諭旣降內外臣工爭先以得士爲勝而是時山林草澤諸遺  
老多以高年不欲出當道以其望重求之愈急掌院學士葉方  
鵠首欲薦餘姚黃宗羲崑山顧炎武兩人皆碩學而宗羲紹其  
鄉蕺山先生學案兼通天人象數百家之傳尤爲海內所重然  
其徒鄞人陳錫嘏在京知其必不肯應已力辭之炎武之甥徐  
元文在翰林聞有薦章以書告之炎武厲詞拒焉蓋姪李容辭  
徵不得遂稱疾篤陝撫昇其牀使前容以死自誓而後免太原  
傅山華陰王宏撰皆爲當事敦促輿疾而行而洪洞范鄴鼎不  
肯出山撫軍竟以抗違 詔旨劾之

溫旨令其來京鄴鼎竟不赴 詔許自便於是錢唐應撝謙寧  
郡魏禧皆得辭免鄴鼎本順治辛丑進士其辭辟以病若宗羲  
等七人則頗以前代遺民不欲出論者服

聖祖仁皇帝之大度并包山野而諸徵士磴磴之節自託於四  
皓兩生之遺相形而見亦一時元會之盛云於時臣僚相繼薦  
舉至京幾二百人所不願出者祇一二遺老其餘皆視詞科爲  
勝流如峨眉天半相鄉相魏裔介罷政家居謂人曰吾不羨東  
閣輔臣而羨公車徵士柏鄉縣令聞之稱於監司欲薦之監司  
笑曰焉有元老而赴詞科者乃止又云諸徵士至京師朝臣諸

巨公率延之家互相延請者無虛日次年三月朔日考試二十日拆卷

上問詩中有云杏花紅似火菖葉小於釵菖葉安得似釵衆對曰此句不甚佳

聖祖曰斯人固老名士

朱彝尊卷

姑畧之閣臣暨院長皆愕然心折

歎服

天子以萬幾之暇談藝精覈爲儒生所弗逮有如此者時特

賜同博學鴻詞科考試者二人填入榜內則錢唐高士奇靜海勵杜訥二臣以

御試鍾王書法皆久供奉南書房者試之日在南書房亦

賦省耕詩一首進呈庚申高授翰林院侍講勵授編修誠千載

希遇也

毛西河佳山堂集序云予以應召來京師會

天子蕃時機無暇親策制舉得倣舊例先具詞業繳丞相府予

因獲隨儕衆謁府門下延入爲賓客當其時居門下設食授室

粲然成列者已不啻昭王之館平津之第也

閣百詩云已未徵士一百四十三人雲集京師

上意嘉悅欲盡官之爲人沮抑乃止

制科雜錄云已未正月晦日

上諭薦舉人員着二月初三日親試高陽李師奏時日迫促不

能預備試卷桌子等項遂

諭十六日啟奏時幸溫泉回益都馮師又簡入會闈作主文

官未啟奏間十七日傳

諭該部同翰林院確定試日并應用事宜奏因定三月初一日考試二月二十九日吏部過堂予時以右手腫爛告病不許三月初一日牙明齊集太和門以魚貫入詣太和殿前鴻臚寺唱行九叩頭禮畢是日

上御殿祭堂子回命諸薦舉人員赴東體仁閣下太宰掌院學士奉題出用黃紙十張上寫題二道放黃幘桌上跪領題詔用矮桌列墀下坐地作文及已牌太宰掌院學士復宣

旨云汝等俱係薦舉人員有才學的原不必考試但是考試愈顯你門才學所以

皇上十分敬重特賜汝宴凡是會試殿試館試狀元庶吉士俱

沒有的汝等要曉

皇上德意宣詔

命起赴體仁閣設高桌五十張每張設四高

椅光祿寺設饌十二色皆大盤高攢相傳給直四百金先賜

茶二通時菓四色後用饊首饅子紅綾餅粉湯各二套白米飯

各一大盂又賜茶訖復就試時陪宴者太宰滿漢二員掌院

學士滿漢二員皆東北向坐謂之主席以賓席皆東西向也餘

官提調皆不與焉予仍告手腕難執筆不聽其夕晚出者十餘

人皆給燭竣事然後彌封諸試卷作四封當夜呈進相傳先試

一日

上命內閣諸學士及翰林院掌院擬題皆一文賦一詩高陽李師擬璿璣玉衡賦賦得雨中春樹萬人家寶坻杜師擬王者以

天下爲一家論省耕詩益都馮師擬十三經同異考耕籍詩內閣學士項公擬士先器識而後文藝論賦得春殿晴薰赤羽旗閣學李師擬岵嶇碑贊遠人向化歌掌院學士葉師擬珪璋特達賦三江九注考賦得龍池柳色雨中深

上用高陽師賦題寶坻師詩題

朱竹垞年譜云三月朔 召試太和殿廷發題璿璣玉衡賦并

四六序省耕詩排律二十韻學士院散官紙光祿布席 賜謙

體仁閣下中使傳

旨向來殿試進士定例立而對策今以爾等績學博聞特 賜

坐 賜食僉謝 恩畢既納卷閣臣以八十卷進呈次日

天子行大蒐禮次鄧州束卷授大學士高陽李公霽寶坻杜公

立德益都馮公溥掌院學士葉公方藹定其高下

王應奎柳南隨筆云康熙戊午正月二十三日

上有薦舉博學鴻儒之詔於是在京三品以上及翰銓科道官在外督撫藩臬各舉所知以應計北直與薦者十有九人江南與薦者五十有八人浙江與薦者四十有七人山東與薦者十有二人山西與薦者十有一人河南與薦者四人湖廣與薦者六人陝西與薦者十人江西與薦者四人福建與薦者二人貴州與薦者一人次年三月初一日

上御體仁閣臨軒 命題學士捧黃紙唱給散訖 命就坐撤

護軍吟詠自適日中鴻臚引出跪聽

上諭云諸士皆讀書博古當世賢人朕隆重有加遂命光祿授

餐使知敬禮至意引上閣設席 賜椅四人一席繡衣捧茶陳饋十二簋加四飯豐饌苾芬緝御恭肅 詔二品三人陪宴既畢叩頭謝 恩從容握管文完者先出未完者 命給燭至漏二下始罷吏部收卷翰林院總封進呈 御覽取中一等二十名二等三十名皆授翰林職入館纂修明史其有舉到在京老病不能入試及入試而不與選者年近七十以上加中書正字等銜以寵之此一 代掄才盛典故備記之制科雜錄云試之次日

上攜卷至霸州觀魚貯以黃絹箱至初十日大風帳房內 親看抽出一即予卷且夾一紙籤於卷中

御書女媧事三字以予賦詞有云日升於東匪彎弓所能落天傾於北豈鍊石之可補疑鍊石句不經將以詢大臣也時以大風起不終閱仍入箱訖十四日還宮十五日發卷出中堂三公暨掌院學士參閱十六日閱訖十七日啟奏呈繳照前代制科分等第進士科分甲乙例判作四等曰上上曰上曰中曰下時閱卷者見予卷紙籤不知所謂且疑

上不善其詞三相公欲置之上卷之首而掌院踟躕曰第置上卷末伺

皇上意旨何如耳會二十日 殿試二十二日中堂掌院俱作讀卷官

上諭前所試上上卷上卷著入史館纂修明史餘俱遣回其年老者量加虛銜未到者不再試亦不必令來遂問有不完卷者

何以列在中卷衆對曰以其文詞可取也又問上上卷內有驗

於天者不必驗於人語無礙否彭孫通文衆對曰雖意圓語滯然故

無礙也又問或問於予曰及唯唯否否語豈以或指朕予自指

耶汪琬文衆對曰賦體本有子虛也是之稱大抵皆寓言似不必

有實指也又問有女媧補天事信否益都師曰在列子諸書有

之似乎可信

上曰朕記楚詞亦有之但恐燕齊物怪之詞不宜入正賦否益

都師曰賦體本浮夸與銘頌稍異似可假借作鋪張者

上曰如此則其文頗佳今在何等對曰已置之上卷末矣

上命稍移在上卷中嗟乎予實不才且是日腕脹全不盡平生

所長不知何以猥蒙

聖眷如此

施愚山示子札云今

上傳案出又改上上為一等上卷為二等初取一等二十六名

二等五十一名今重經

欽定兩共止五十名

朱竹垞嚴君墓誌云十七年春 詔在廷諸臣暨外督撫大吏

各舉博學之彥無論已仕未仕徵詣 闕月給太倉祿米明年

三月朔 召試殿廷

天子擢五十人纂修明史部議及資格進士出身者以館職用

餘給待詔銜俟史成日授官 詔下五十人齊入翰苑布衣與

選者四人

吳星叟云己未以三月初一日試

皇上卽以是夕遊西海至十三日還宮 命閣臣定諸詩賦甲

乙十五日先後某某皆有成案余一甲第三葉奕苞二甲第四

儲方慶二甲第五無何俱遭易去至二十七日始 御太和殿

宣付吏部共五十人而前後頓易矣閣臣皆不知其故蓋是舉

衡才三閣臣而收掌則掌院學士也又云時試後紙貴京師者

其年與鄙作也如者造作飛語入句句各一人中有維崧賦內

愚生有食客農祥禮亦宐之語粘 乾清宮門其曰愚生者以

其年序中臣字誤作愚生猶是書生棘圍後場習氣而農祥句

旁註云係馮溥門下士宐其私之賴

皇上睿聖笑曰此是憎渠才地耳悉置不問

制科雜錄云拆卷後

上曰詩賦韻亦學問中要事何以都不檢點賦韻且不論卽詩

韻在取中中者亦多出入有以冬韻出宮字者潘耒有以東韻

出逢濃字者李來有以支韻之旗誤出微韻之旂字者施閏此

何說也衆對曰此緣功令久廢詩賦非家絃戶誦所以有此然

亦大醇之一疵也今但取其大焉者耳

上是之遂定爲五十卷上上卷二十作一等上卷三十作二等

餘中卷下卷分作三等四等總名爲下第不填榜內至拆畢因

於上卷中斥去一卷

上命擇一有名者補之時中堂掌院各有所薦皆不允

上自取嚴繩孫卷補之卽前云中卷中不完卷者發榜後二日

尚書金卷八  
尚未授職至二十四日

上諭吏禮二部這取中人員該授何職著確議具覆時二部不  
諳舊制科例但擬已仕者照現任品級或陞或加級其去任在  
籍者或宜起用或宜在籍加銜一應未仕者俱授翰林院待詔  
具覆

上命閣臣取前代制科舊例來閱查得兩漢授無常職晉止授  
尚書郎唐制策高者特授以尊官其次等出身因之有及第出  
身之分宋制分五等其第一第二等皆不次之擢第三等始爲  
上等恩數比廷試第一人第四等爲中等比廷試第三人皆賜  
制科出身第五等爲下等賜進士出身

上乃降旨薦舉取中人員俱授爲翰林官應給職銜著再議具  
奏其杜越傅山王方穀等文學素著念其年邁從優加銜以示  
恩榮於是已仕者俱照品級授講讀宮坊編修等其未仕者概  
授檢討總充史館官纂修明史其杜越等俱授內閣中書聽其  
回籍依議乃擇四月二十日到任各朝服頂帶於欽天監火神  
廟齊集到衙門行禮畢次日遂赴史館後同籍五十人集於衆  
春園做題名故事各賦詩一首施愚山爲之序

劉廷璣在園雜志云 本朝己未 召試博學鴻詞最爲盛典  
其中人材德業理學政治文章詞翰品行事功無不悉備洵足  
表彰廊廟矜式後儒可以無憾鴻博不負

聖朝之鑑拔誠一代偉觀也無如好憎之口不揣曲直或多夙  
怨或挾私心或自媿才學之不及而生嫉妒或因已之未與薦

而肆蜚譏一時呼爲野翰林且以詩譏之

王阮亭居易錄云己未徵聘諸人取彭孫適等五十人其監司郎中改侍讀侍講進士及舉貢已官者爲編修未官者及監生生員布衣皆檢討入館纂修明史後至三品以上大僚惟湯斌潛菴工部尚書彭孫適漢門吏部侍郎陸萊義山徐嘉炎勝力內閣學士兼禮部侍郎王頊齡湖宗人府丞李鏗公凱通政使司通政司

毛西河史館輟錄云

上開制科以予輩五十人充明史館官其到任日監修總裁與諸史官只一揖監修總裁負北牖南面鋪簞登土炕坐諸史官以次登炕接總裁南面東西環坐東環者轉而西面至門止西

環者轉而東面又轉而北面亦至門止全無比肩抗顏之嫌其收掌司錄皆中書主事並不上堂叅揖而監修係滿漢中堂凡侍立者皆內閣中書多進士出身與諸史官亦並不一肅手卽供事者點茶數巡自監修總裁諸史官外亦並不一及甚至查檢史書則侍立中書執鑰啟金龍大櫃取書列長筵繙閱其一時相形如此是以當事重舉纂修主事并纂修監生以消其局而主事監生亦仍居廊房未嘗上堂乃復薦諸舊同館官若干人並充纂修則一體升降有何分別然其題已鬪分不得另鬪而萬厯以後題未經分者或以忌諱陰相推諉應俟五十人中

有出館者則接受其題而數年之間卽有告歸者有死者有充試差者有出使外國者有作督學院使者且有破格內陞京堂

并外轉藩臬及州府者自康熙己未至辛未不在館者不過一二  
人餘或陞侍郎或轉閣學或改通政使不復與史事矣

鶴徵錄卷第八

同里張湘校



71020787

